

7-3

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 92. sjednici, održanoj dana 28.01.2021. godine, d o n o s i

## ZAKLJUČAK

### I.

Utvrđuje se Prijedlog Zakona o izmjenama i dopunama Zakona o šumama.

### II.

Prijedlog Zakona o izmjenama i dopunama Zakona o šumama upućuje se u dalju skupštinsku proceduru, po skraćenom postupku.

### III.

Zaključak stupa na snagu danom donošenja.

Broj: 02- 02-1402 /21  
Datum, 28.01.2021. godine  
Zenica

#### DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.



**PREMIJER**

po Odluci predsjedavajućeg Skupštine

*Mirnes Bašić*

## PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na sjednici održanoj dana \_\_\_\_\_.\_\_\_\_.2021. godine, donosi

### **ZAKON** **o izmjenama i dopunama Zakona o šumama**

#### **Član 1.**

##### **(Dopuna člana 3. Zakona)**

- (1) U članu 3. Zakona o šumama („Službene novine Zeničko-dobojskog kantona“, broj: 8/13 i 1/15), iza tačke 19. dodaje se nova tačka 20. koja glasi: „**Fizičko lice registrovano za obavljanje poslova u šumarstvu** je obrt registrovan kod nadležnog općinskog organa za poslove šumarstva koje u stalnom radnom odnosu ima uposlenog najmanje jednog diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja) sa najmanje dvije godine radnog iskustva u struci.
- (2) Dosadašnje tačke 20.-34. postaju tačke 21.-35.

#### **Član 2.**

##### **(Dopune člana 13. Zakona)**

- (1) U članu 13. stav (1) iza riječi „pravna“ dodaju se riječi „i fizička lica“, a ostali dio teksta ostaje nepromijenjen.
- (2) U stavu (2) iza riječi „pravna“ dodaju se riječi „i fizička lica“, a ostali dio teksta ostaje nepromijenjen.
- (3) U stavu (3) iza riječi „pravnih“ dodaju se riječi i „fizičkih lica“, a ostali dio teksta ostaje nepromijenjen.

#### **Član 3.**

##### **(Izmjena i dopuna člana 17. Zakona)**

- (1) U članu 17. dodaje novi stav (2) koji glasi: „Izuzetno, mogu se pomjerati od panja drvo, dijelove stabala i grane posječene u šumi i izvan šume (na poljoprivrednom zemljištu, međama, pojedinačna stabla i sl.) ako je Projektom za izvođenje radova predviđena upotreba savremene mehanizacije (žičara, forvardera i dr. harvestora), koja predviđa izvoz i korištenje i ostale biomase (grane, iglice i sl.), gdje bi se obilježavanje šumskim čekićem, obrojčavanje i premjeravanje vršilo na šumskom stovarištu“.
- (2) Dosadašnji stavovi (2), (3), (4), (5), (6), (7), (8) i (9) postaju stavovi (3), (4), (5), (6), (7), (8), (9) i (10).

#### **Član 4.**

##### **(Izmjena i dopuna člana 46. Zakona)**

U članu 46. stav (1) iza riječi „električnih vodova“, briše se interpunkcijski znak zarez, a dodaju se riječi „i pristupnog puta“, a ostali dio teksta ostaje nepromijenjen.

#### **Član 5.**

##### **(Stupanje na snagu)**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:  
Datum:  
Zenica

**PREDSJEDAVAJUĆI SKUPŠTINE**

**Ćazim Huskić**

## O b r a z l o ž e n j e

### I USTAVNI OSNOV

Ustavni osnov za donošenje ovog zakona je član 37. stav 1. tačka f) Ustava Zeničko-dobojskog kantona.

### II RAZLOZI ZA DONOŠENJE I OBRAZLOŽENJE PRAVNIH RJEŠENJA

Poslanik u Skupštini Zeničko-dobojskog kantona, Jasmin Duvnjak na 14. sjednici Skupštine Zeničko-dobojskog kantona, održanoj dana 30.09.2019. godine, uputio je poslaničku inicijativu za dopune člana 13. stav (1) i člana 17. stav (1) Zakona o šumama („Službene novine Zeničko-dobojskog kantona, broj: 8/13 i 1/15), na način da se u članu 13. stav (1) iza riječi „pravna lica“ dodaju riječi „i fizička lica“, s obzirom da postoji sve veća potreba za izvođačima radova u šumarstvu, jer je općepoznata činjenice da je povećan obim sanitarne sječe koja se mora u što kraćem roku izvršiti, a posljedica je elementarnih nepogoda koje su uzrokovale pojavu sušenja i obolijevanja stabala u šumi. Poslanik je predložio i dopunu člana 17. stav (1) Zakona o šumama na način da se iza riječi „premjeri“ dodaju riječi „izuzev ako je Projektom za izvođenje radova predviđena upotreba savremene mehanizacije (žičara, forvardera i dr. harvestora), koja predviđa izvoz i korištenje i ostale biomase (grane, iglice i sl.), gdje bi se obilježavanje šumskim čekićem, obrojčavanje i premjeravanje vršilo na šumskom stovarištu“.

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Kantona donijela je Zaključak broj: 02-02-17286/19 od 22.11.2019. godine kojim je prihvaćeno Mišljenje Ministarstva broj: 05-1-26-14855-2/19 od 08.11.2019. godine, po predmetnoj inicijativi poslanika Duvnjak Jasmina, te je Zaključak sa Mišljenjem upućen u dalju skupštinsku proceduru.

Ovom inicijativom, pored pravnih lica registrovanih za obavljanje djelatnosti u šumarstvu, daje se mogućnost i fizičkim licima (obrtnicima) za obavljanje djelatnosti u šumarstvu, iz razloga što Javno preduzeće „Šumsko-privredno društvo Zeničko-dobojskog kantona“ d.o.o. Zavidovići nema dovoljno radne snage i mehanizacije da bi pristupilo radovima sanitarne sječe na svim površinama, čime dolazi u situaciju da krši propise iz oblasti šumarstva i plaća prekršajne kazne, a zaražena stabla ostaju u šumi i predstavljaju dodatnu opasnost za još veće štete. Predloženom dopunom odredbe člana 17. stav (2) Zakona o šumama bi se omogućilo da na se lakši i pravilniji način uspostavlja i održava šumski red, kao i bolja produktivnost i iskoristivost bio mase u radu sa žičarom, forvardom i drugim harvestorom, a time bi se omogućio izvoz dijelova stabla sa granama koje bi se odstranile na kamionskom putu i preradile u sječku, što bi ujedno dovelo do povećanja iskorištenosti biomase (drvne mase).

Obzirom da se u šumi i šumskom zemljištu u državnom vlasništvu nalaze izgrađeni pristupni putevi za nesmetano gospodarenje šumom i šumskim zemljištem, da je odredbom člana 5. tačkom e) Pravilnika o uslovima i načinu davanja šumskog zemljišta u zakup i uspostavi prava služnosti („Službene novine Zeničko-dobojskog kantona“, broj: 3/14), propisano da se na šumskom zemljištu može uspostaviti pravo služnosti puta izgrađenog u šumi i šumskom zemljištu, ovo Ministarstvo predlaže izmjenu i dopunu člana 46. stav (1) Zakona o šumama.

U skladu sa članom 140. Poslovnika Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18 i 18/18-isp, 7/19 i 7/20), predlaže se upućivanje Prijedloga Zakona o izmjenama i dopunama Zakona o šumama u skupštinsku proceduru po skraćenom postupku, u formi prijedloga, s obzirom da se ne radi o obimnom i složenom propisu.

Na Prijedlog Zakona pribavljena su mišljenja: Sekretarijata za zakonodavstvo Zeničko-dobojskog kantona broj: 03-02-615-1/21 od 13.01.2021. godine, Ministarstva za pravosuđe i upravu Zeničko-dobojskog kantona, broj: 06/04-1-30615-1/21 od 15.01.2021. godine i Ministarstva finansija Zeničko-dobojskog kantona, broj: 07-02-615-2/21 od 11.01.2021. godine.

### **III FINANSIJSKI EFEKTI**

Donošenje Prijedloga Zakona o izmjenama i dopunama Zakona o šumama neće iziskivati izdvajanje dodatnih finansijskih sredstava iz Budžeta Zeničko-dobojskog kantona, odnosno donošenje Prijedloga Zakona nema nikakvih finansijskih efekata po Budžet Kantona.

доказа на основу документације у овом предмету, те је из проведених доказа утврдио, да је Предсједник Федерације Босне и Херцеговине дана 11.04.2012. године донио оспорену Одлуку, којом су разријешени дужности чланови Ревизорског тима који су именовани 13.06.2011. године.

Разријешени чланови Ревизорског тима Хоџић Бесим, Башић Емир, Тукар Елвис и Газић Мехо и даље су наставили да раде по налогу федералног министра и да обављају све активности у реализирању функције Ревизорског тима, на основу Уговора о дјелу који су закључили са Федералним министарством за питања бораца и инвалида одбрамбено-ослободилачког рата. На јавној расправи је неспорно утврђено да је Ревизорски тим у наведеном саставу наставио рад и након оспорене Одлуке, што је потврђено и од стране пуномоћника федералног министра.

#### 8. Став Уставног суда Федерације

Уставни суд Федерације је једини субјект који је Уставом Федерације Босне и Херцеговине овлашћен да утврди да ли је нека одлука у складу са Уставом Федерације Босне и Херцеговине. Све до доношења одлуке овог Суда, постоји пресумпција о уставности оспорене Одлуке. Одлуке које су донијете од стране Предсједника Федерације и објављене су на снази и по истима постоји обавеза поступања. Међутим, Уставни суд Федерације наглашава, да се није упуштао у уставност односно законитост поступања доносилаца одлуке као и оспорене Одлуке. Уколико овлашћена лица сматрају да оспорена Одлука није заснована за Уставу и законским одредбама, у могућности су исту оспорити пред овим Судом на начин како је прописано Уставом Федерације Босне и Херцеговине, Законом о поступку пред Уставним судом Федерације Босне и Херцеговине и Пословником Уставног суда Федерације Босне и Херцеговине.

С обзиром на наведено Уставни суд Федерације је одлучио као у диспозитиву пресуде.

Ову пресуду Уставни суд Федерације је донио једногласно у саставу: др Ката Сењак, предсједница Суда, Сеад Бахтијаревић, мр Ранка Цвијић, Александра Мартиновић и Домин Малбашић, судије Суда.

Број: У-24/12  
09.04.2013. године  
С а р а ј е в о

Предсједница  
Уставног суда Федерације  
Босне и Херцеговине  
др Ката Сењак, с.р.

## SKUPŠTINA

217.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 41. sjednici održanoj dana 04.07.2013. godine, d o n o s i:

## ZAKON O ŠUMAMA

### DIO PRVI-PREDMET

#### Član 1. (Predmet Zakona)

- (1) Ovim Zakonom uređuje se čuvanje i zaštita šuma i šumskog zemljišta, jačanje njihovih funkcija, planiranje u šumarstvu i upravljanje šumama i šumskim zemljištem, ekonomske funkcije, finansiranje biološke obnove šuma na teritoriji Zeničko-dobojskog kantona (u daljem tekstu: Kanton), nadzor nad primjenom ovog Zakona, kaznene odredbe, kao i druga pitanja od značaja za šume i šumsko zemljište.
- (2) Šume i šumsko zemljište, kao dobra od općeg interesa, uživaju posebnu brigu i zaštitu Kantona općina i koriste se pod uslovima i na način koji su propisani ovim Zakonom.
- (3) Šume i šumska zemljišta temeljni su prirodni resurs čije vrijednosti se manifestuju kroz ekološke, socijalne i proizvodne funkcije šuma.

#### Član 2. (Definicija šuma i šumskih zemljišta)

- (1) Pod šumom, u smislu ovog Zakona, podrazumijeva se zemljište obraslo šumskim vrstama drveća i grmlja čija površina prelazi 1.000 m<sup>2</sup> i čija je širina najmanje 20 metara i ako njihove krošnje pokrivaju više od 30 % zemljišta. Šumom se smatraju i šumski rasadnici, plantaže šumskog drveća, čistine za trase dalekovoda i druga javna infrastruktura u šumi, površinske vode i močvare unutar šuma i sastojine šumskog drveća i žbunja koje su izrasle na poljoprivrednom zemljištu ako su starije od 30 godina i ako njihove krošnje pokrivaju više od 30 % zemljišta.

- (2) Šumsko zemljište, pored zemljišta obraslog šumom, obuhvata i neobrađeno, neiskorišteno ili neplodno zemljište izvan šume u onom omjeru u kojem obezbjeđuje ili potpomaže funkcije susjedne šume. Šumsko zemljište također sačinjavaju područja sa smanjenim šumskim pokrivačem, krš, čistine i livade unutar šuma.
- (3) U slučaju sumnje ili spora da li se neko zemljište smatra šumom ili šumskim zemljištem, odluku donosi Ministar Ministarstva za poljoprivredu, šumarstvo i vodoprivredu (u daljem tekstu: Ministar), uz pribavljeno mišljenje Kantonalne uprave za šumarstvo (u daljem tekstu: Kantonalna uprava).

### Član 3. (Definicija pojmova)

- (1) Pojmovi koji se koriste u ovom Zakonu imaju sljedeća značenja:

1. **Biološka obnova šuma** podrazumijeva pripremu zemljišta za prirodno podmlađivanje, pošumljavanje neobraslog šumskog zemljišta, popunjavanje, njegu i čišćenje šumskih kultura, prorjeđivanje sastojina, sanaciju požarišta, prevođenje degradiranih sastojina u viši uzgojni oblik, doznaku stabala za sječū, rekonstrukciju i konverziju izdanačkih šuma, makija, šikara i šibljaka, zaštitu šuma, projektovanje, izgradnju, rekonstrukciju i održavanje šumske infrastrukture.
2. **Čista sječū** znači sječū svog ili praktično svog drveća u sastojini izlažući taj dio zemljišta ekološkim uslovima goleti čime stvara ozbiljne poteškoće za stanište ili susjedne sastojine. Čistom sječūm ne smatra se uklanjanje starih sastojina ukoliko je njihova reprodukcija obezbjeđena na odgovarajućū način.
3. **Konverzija šuma** je prevođenje šuma u viši uzgojni oblik.
4. **Etat** je dozvoljena sječiva drvena masa, odnosno drvena masa predviđena za sječū. Izražava se kao godišnji i desetogodišnji etat.
5. **Doznaka stabala** podrazumijeva odabiranje, obilježavanje i evidentiranje stabala za sječū.
6. **Funkcije šuma** su:
  - a) **ekološke**: biodiverzitet – zaštita staništa, zaštita zemljišta, zaštita voda, klimatska – uključujući ulogu šuma kod vezivanja ugljika iz zraka;
  - b) **ekonomske**: prihod od proizvodnje drveta i sekundarnih šumskih proizvoda;
  - c) **socijalne**: rekreacija, turizam, obrazovanje, istraživanje, odbrana, zaštita objekata i infrastrukture.
7. **Gospodarenje šumama** obuhvata planiranje, uzgajanje, zaštitu i korištenje šuma i šumskog zemljišta u skladu sa odredbama šumsko-privredne osnove;
8. **Gospodarska jedinica** je područje šume u kome se obezbjeđuje trajnost gospodarenja.
9. **Integralna zaštita šuma** predstavlja multidisciplinarni koncept koji zagovara odgovornost svih subjekata koji koriste prirodne resurse: političkih (upravljanje šumama), stručnih (gospodarenje šumama) i građana (podizanje svijesti). Integralna zaštita šuma se tako može sagledati sa dva aspekta: u širem smislu (obaveze svih subjekata društva) i u užem smislu (obaveze samo djelatnosti šumarstva).
10. **Izvođač radova u šumarstvu** je fizičko ili pravno lice koje je registrirano za izvođenje radova u šumarstvu.
11. **Korisnik državnih šuma i šumskog zemljišta** je kantonalno šumsko-privredno društvo koje na osnovu ugovora zaključenog u skladu sa odredbama ovog Zakona i drugih zakona, obavlja poslove gospodarenja državnim šumama i šumskim zemljištem.
12. **Korištenje šume** obuhvata sječū i transport drveta, korištenje nedrvnih šumskih proizvoda kao i prodaju šumskih drvnih sortimenata i nedrvnih šumskih proizvoda.
13. **Krčenje šume** u smislu ovog Zakona je promjena namjene šumskog zemljišta. Izgradnja objekata u šumi i na šumskom zemljištu potrebnih za gospodarenje šumama kao i za prehranu i uzgoj divljači ne smatra se krčenjem.
14. **Otvorena vatra** je svaka zapaljena vatra izvan zatvorenog objekta koji je pod krovom i zatvorenim ognjištem.
15. **Šumski požar** je požar koji nastaje i širi se šumom i šumskim zemljištem ili koji nastaje na nekom drugom zemljištu i širi se šumom i šumskim zemljištem.
16. **Paljike** su opečarene površine nastale poslije požara.
17. **Pašarenje** je puštanje stoke na ispašu, žirenje i brst, kresanje grana i lisnika za prehranu stoke.
18. **Površinske vode** su stalni i povremeni vodeni tokovi, te stajaće vode.
19. **Pravno lice registrovano za obavljanje poslova u šumarstvu** je privredno društvo registrovano kod nadležnog suda za poslove šumarstva koje u stalnom radnom odnosu ima uposlenog najmanje jednog diplomiranog inženjera šumarstva (VII stepen stručne sprema), odnosno mastera diplomiranog inženjera šumarstva (Bolonjski sistem studiranja) sa najmanje dvije godine radnog iskustva u struci.

20. **Privremeni godišnji plan gospodarenja državnim i privatnim šumama** je plan gospodarenja državnim i privatnim šumama kojeg za državne šume izrađuje korisnik državnih šuma i šumskog zemljišta, a za privatne šume Kantonalna uprava ili pravno lice registrovano za obavljanje poslova šumarstvu i to po isteku šumsko-privredne osnove. Istim se ne može gospodariti duže od godinu dana, a postupak donošenja je isti kao i za šumsko-privredne osnove.
21. **Pustošenje šuma** podrazumijeva podbjeljivanje stabala, oštećivanje stabala i njihovih dijelova, uništavanje i oštećivanje podmlatka, kao i svaka druga radnja kojom se slabi prinostna snaga šume i šumskog zemljišta, ugrožava opstanak šuma i njihove ekološke funkcije.
22. **Sanitarna sječa** znači sječū zaraženih, insektima napadnutih, veoma oštećenih ili izvaljenih stabala.
23. **Šumska infrastruktura** su šumski putevi, stalne vlake, stalne žičare i druge šumske komunikacije, objekti i kapaciteti u šumama koji su namijenjeni za gospodarenje i zaštitu šuma.
24. **Šumski proizvodi** su svi proizvodi šuma i šumskog zemljišta, uključujući, ali ne ograničavajući se na:
- a) šumsko drveće i žbunje i svi njihovi dijelovi;
  - b) sjeme, koštunjičavo voće, bobičasti plodovi, kora drveta, korijen, šišarke i plodovi druge vegetacije unutar šume;
  - c) mahovina, paprat, trava, trska, cvijeće, ljekovito, aromatsko i jestivo bilje i druge biljke;
  - d) gljive;
  - e) biljni sok ili smola;
  - f) med;
  - g) listinac;
  - h) ostale životinje koje žive u šumi izuzev divljači;
  - i) travnati ili pašnjački prekrivač;
  - j) treset, zemlja, pijesak, šljunak, kamen sa površine zemlje (u daljem tekstu: mineralne sirovine).
  - k) nedrvni šumski proizvodi iz alineje b) do j) ove tačke predstavljaju dobra biološkog porijekla, osim drveta, kao i usluge koje proizilaze iz šume i šumskog zemljišta.
25. **Šumsko-privredno područje** predstavlja u stanišnom, biološkom, geografskom, prometnom, ekološkom i ekonomskom pogledu jednu zaokruženu cjelinu u okviru koje se obezbjeđuje trajnost gospodarenja šumama i šumskim zemljištima.
26. **Šumski putevi** su putevi izgrađeni na šumskom zemljištu, sa pratećom infrastrukturom, koji su namijenjeni za prijevoz šumskih proizvoda, te sav saobraćaj vezan za gospodarenje šumama i radi zaštite šuma od požara (za prolaz vatrogasnih vozila i tehnike) i za spajanje sa sistemom javnih puteva. Vlaka nisu šumski putevi osim ako ne zadovoljavaju minimalne standarde određene za šumske puteve.
27. **Šumski reprodukcionni materijal je:**
- a) sjeme: šišarke, plodovi i sjeme namijenjeno za proizvodnju biljaka;
  - b) dijelovi biljaka: grančice i snopovi rezanih grana namijenjeni za proizvodnju biljaka;
  - c) mlade biljke: biljke uzgojene iz sjemena ili dijelova biljke, uključujući i mlade biljke iz prirodnog podmlatka.
28. **Šumsko-uzgojne mjere** su sve mjere i aktivnosti koje doprinose osnivanju novih sastojina u šumi i poboljšanju njihove stabilnosti, raznolikosti ili kvaliteta.
- Šumsko uzgojne mjere uključuju:
- a) mjere za obnovu šuma, odnosno za stvaranje novih sastojina;
  - b) njegu šuma u mladim razvojnim fazama, uključujući prorjeđivanje mladih sastojina;
  - c) specijalnu njegu mladih faza u prebornim šumama i drugim raznolikim šumama, izdanačkim šumama, kao i rubova šuma;
  - d) rekonstrukciju i konverziju izdanačkih šuma, šikara, makija i šibljacka.
29. **Trajnost gospodarenja šumama** podrazumijeva korištenje proizvoda šuma i upotrebu šuma i šumskih zemljišta na način i sa intenzitetom koji će očuvati njihov biodiverzitet, proizvodnost, sposobnost obnavljanja, vitalnost, te povećati njihov potencijal da sada i u budućnosti obavljaju značajne ekološke, ekonomske i socijalne funkcije na lokalnom i globalnom nivou, a da se pri tom ne ugrozi funkcionisanje drugih ekosistema.
30. **Upravljanje šumama i šumskim zemljištima** podrazumijeva administrativno-upravne poslove Ministarstva i Kantonalne uprave, koji se sastoje od kreiranja jedinstvene šumarske politike, dugoročnog (strateškog) i srednjoročnog planiranja, kontrole i stručnog nadzora korištenja šuma i šumskog zemljišta u cilju očuvanja i unaprjeđenja trajnosti gospodarenja šumama.
31. **Uredajni period** je vremenski period za koji se donosi dugoročni plan gospodarenja šumama i šumskim zemljištem šumsko-privredna osnova za šumsko-privredno područje.

32. *Vlasnici privatnih šuma* su pravna i fizička lica koja su na zakonit način stekla pravo vlasništva nad šumom ili šumskim zemljištem, koje se dokazuje izvodom iz zemljišnih knjiga.
33. *Zaštita šuma* je skup mjera i aktivnosti koje su dužni preduzimati vlasnici i korisnici koji gospodare šumama i šumskim zemljištem radi zaštite šuma od požara, drugih prirodnih nepogoda, štetnih organizama i štetnih antropogenih uticaja.
34. *Divljač* su posebnim zakonom određene životinjske vrste koje slobodno žive u prirodi.
- i) smjernice za korištenje nedravnih šumskih proizvoda;
- j) smjernice za lovstvo i gospodarenje nad divljači;
- k) program bioloških i tehničkih investicija i rentabilnost radova.
- (4) Kod izrade Kantonalnog šumsko-razvojnog plana koriste se podaci iz šumsko-privrednih osnova i lovno-privrednih osnova.
- (5) Vlada Zeničko-dobojskog kantona (u daljem tekstu: Vlada) donosi Kantonalni šumsko-razvojni plan, a Ministarstvo za poljoprivredu, šumarstvo i vodoprivredu (u daljem tekstu: Ministarstvo) je odgovorno za njegovu pripremu, izradu i realizaciju.

## DIO DRUGI-PLANIRANJE U ŠUMARSTVU

### Član 4.

#### (Kantonalni šumsko-razvojni plan)

- (1) Kantonalni šumsko-razvojni plan izrađuje se svakih deset godina za sve šume i šumsko zemljište, bez obzira na vlasništvo s ciljem da se obezbijedi trajnost gospodarenja šumama i šumskim zemljištem na području Kantona.
- (2) Kantonalni šumsko-razvojni plan uvažava smjernice za gospodarenje prirodnim i kulturnim nasljedom u šumama i na šumskom zemljištu, uslove za gospodarenje vodama, kao i potrebe razvoja lokalne zajednice.
- (3) Kantonalni šumsko-razvojni plan sadrži najmanje sljedeće:
- a) kartu sa ucertanim granicama šuma i šumskog zemljišta, granicama šumsko-privrednih područja i gospodarskih jedinica, uzimajući u obzir granice općina i kategoriju nosioca prava na šumama; gdje će svi analitički i grafički podaci biti u GIS formatu.
- b) procjenu funkcija šuma i njihov uticaj na okoliš;
- c) klasifikaciju šuma po površinama, prema njihovim funkcijama i prirodnim karakteristikama, a koje se posebno odnose na stanište;
- d) procjenu drvne zalihe i njenog kvaliteta, prirasta, podmlađivanja, biodiverziteta i zdravstvenog stanja;
- e) smjernice za gospodarenje šumama različitih gazdinskih klasa i kategorija šuma;
- f) otvorenost šuma sa planom izgradnje novih šumskih puteva;
- g) smjernice za pošumljavanje šumskog zemljišta;
- h) procjenu ugroženosti šuma od požara, određenu po stepenu opasnosti i smjernice za zaštitu šuma od požara;
- (6) Ministarstvo je dužno prilikom izrade plana zatražiti od svih zainteresiranih strana, a posebno od zainteresiranih jedinica lokalne samouprave da daju svoje prijedloge i mišljenja.
- (7) Ministarstvo je dužno trajno čuvati Kantonalni šumsko-razvojni plan.

### Član 5.

#### (Šumsko-privredno područje)

- (1) U cilju obezbjedenja racionalnog i trajnog gospodarenja državnim šumama i šumskim zemljištem formira se šumsko-privredno područje.
- (2) Šumsko-privredna područja predstavljaju u geografskom, prometnom, ekološkom i ekonomskom pogledu jednu zaokruženu cjelinu u okviru koje se osigurava trajnost gospodarenja šumskim ekosistima.
- (3) U administrativnim granicama Kantona može se formirati više šumsko-privrednih područja.
- (4) Šumsko-privredna područja dijele se na gospodarske jedinice.
- (5) Formiranje šumsko-privrednih područja zasniva se na stručnom elaboratu, koji pored prijedloga sa obrazloženjem bioloških, tehničkih i ekonomskih pokazatelja, sadrži opšte kriterije, a naročito:
- a) preglednu kartu područja sa ucertanim izohipsama, vanjskim granicama šumsko-privrednog područja, granicama unutrašnje podjele šuma po gospodarskim jedinicama i odjelima, ucertanom mrežom trajnih šumskih puteva, izvorištima i vodotocima, objektima koji su od značaja za gospodarenje šumama i opis granica šumsko-privrednih područja,

- b) popis katastarskih parcela po katastarskim općinama i zemljišnoknjižnim ulošcima, sa kulturama, klasama i površinama koje ulaze u šumsko-privredno područje,
- c) podatke o drvnjoj zalihii po gospodarskim jedinicama, kategorijama šuma i vrstama drveća,
- d) ukupan godišnji zapreminski prirast po kategorijama šuma i vrstama drveća,
- e) prosječan godišnji etat po kategorijama šuma i vrstama drveća,
- f) procjenu prihoda i rashoda gospodarenja šumama i šumskim zemljištima u okviru šumsko-privrednog područja,
- g) podatke o mogućnostima korištenja nedravnih šumskih proizvoda, divljači, turizma, sporta i rekreacije,
- h) prikaz podataka iz tačaka c), d), e), f) i g) stava (5) ovog člana po općinama Kantona.
- (6) Odluku o formiranju šumsko-privrednih područja ili reviziji njihovih granica donosi Vlada, na prijedlog Ministarstva i na osnovu stručnog elaborata iz stava (5) ovog člana. Zahtjev za formiranje šumsko-privrednih područja ili reviziju njihovih granica može podnijeti Ministarstvo, općine Kantona i Kantonalno šumsko-privredno društvo ili vlasnik šume.
- (7) Stručni elaborat iz stava (5) ovog člana izrađuje visokoškolska naučno-istraživačka ustanova iz oblasti šumarstva, a troškove njegove izrade snosi podnosilac zahtjeva za formiranje šumsko-privrednih područja ili reviziju njihovih granica.
- (8) Opće kriterije za formiranje šumsko-privrednih područja utvrđuje Vlada na prijedlog Ministarstva.
- Član 6.**  
**(Šumsko-privredna osnova)**
- (1) Šumama na području jednog šumsko-privrednog područja gospodari se po odredbama šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu. Šumsko-privredna osnova izrađuje se za period od deset godina i njene odredbe su obavezujuće.
- (2) Izuzev od odredaba stava (1) ovog člana, ako ne postoje objektivne mogućnosti pravovremene izrade nove šumsko-privredne osnove, državnim i privatnim šumama i šumskim zemljištem može se gospodariti najduže godinu dana na osnovu privremenog godišnjeg plana gospodarenja za koji je postupak donošenja isti kao i za šumsko-privredne osnove.
- Odredbe privremenog godišnjeg plana gospodarenja su obavezne. Godina izvršenja privremenog godišnjeg plana gospodarenja smatra se godinom izvršenja nove šumsko-privredne osnove.
- (3) Ukupan obim sječa predviđen šumsko-privrednom osnovom za uređajni period, po vrstama drveća i gazdinskim klasama, ne smije se prekoračiti. Od ukupno planirane količine sječe za planski period za visoke šume sa prirodnom obnovom, u okviru šumsko-privrednog područja godišnje se realizuje prosječna godišnja količina.
- (4) Šumsko-privredna osnova, prostorni plan, plan upravljanja vodama, lovno-privredna osnova, evidencije koje se vode u Zavodu za zaštitu kulturno historijskog i prirodnog naslijeđa i planovi korištenja mineralnih sirovina moraju biti međusobno usklađeni.
- (5) Vlada Zeničko-dobojskog kantona je vlasnik svih podataka i dokumenata u elektronskoj i drugoj formi izrađenih tokom izrade šumsko-privredne osnove za sve šume.
- (6) Šumsko-privrednu osnovu može izrađivati pravno lice registrovano za obavljanje poslova u šumarstvu, koje u stalnom radnom odnosu ima najmanje četiri diplomirana inženjera šumarstva (VII stepen stručne sprema), odnosno mastera diplomirana inženjera šumarstva (Bolonjski sistem studiranja) za uzgoj i zaštitu šuma, uređivanje, iskorištavanje šuma i ekonomiku u šumarstvu, sa radnim iskustvom od najmanje pet godina na navedenim poslovima i položenim stručnim šumarskim ispitom.
- (7) Nadzor nad prikupljanjem podataka za izradu šumsko-privredne osnove i provjera njihove tačnosti su obavezni i može ih vršiti pravno lice registrovano u skladu sa stavom (6) ovog člana ili visokoškolska naučno-istraživačka ustanova iz oblasti šumarstva.
- (8) Šumsko-privrednu osnovu za državne šume i šumsko zemljište donosi šumsko-privredno društvo (u daljem tekstu: korisnik državnih šuma i šumskog zemljišta) uz prethodno pribavljenu saglasnost Ministarstva, koja se izdaje na osnovu prijedloga stručne komisije i mišljenja općine. Mišljenje sa stručnim obrazloženjem, općina je dužna dostaviti Ministarstvu najkasnije u roku od 30 dana od dana prijema zahtjeva. Ukoliko općina ne dostavi mišljenje u ostavljenom roku od 30 dana smatrat će se da nema primjedbi na odredbe šumsko-privredne osnove koja se odnosi na šume i šumska zemljišta u njenim

administrativnim granicama. Šumsko-privredna osnova za državne šume i šumsko zemljište ne može se primjenjivati, prije nego što na nju Ministarstvo da saglasnost.

- (9) Šumsko-privrednu osnovu za privatne šume i šumsko zemljište, na osnovu prijedloga stručne komisije, donosi Ministarstvo.
- (10) Poslove izrade šumsko-privredne osnove za državne šume i šumsko zemljište finansira korisnik državnih šuma i šumskog zemljišta i odgovoran je za njenu pravovremenu izradu. Korisnik državnih šuma i šumskog zemljišta je dužan najmanje 120 dana prije isteka roka važnosti šumsko-privredne osnove, dostaviti dva primjerka novoizradene osnove Ministarstvu.
- (11) Nadzor nad izradom šumsko-privrednih osnova obezbijedit će Ministarstvo putem Kantonalne uprave. Pravno lice registrovano za izradu šumsko-privrednih osnova može otpočeti radove na prikupljanju podataka za izradu šumsko-privredne osnove kada se obezbijedi i nadzor nad prikupljanjem podataka. Propuste u izradi šumsko-privredne osnove utvrđene od strane Ministarstva-Kantonalne uprave, dužno je da otkloni u ostavljenom roku i o svom trošku pravno lice kojem je povjerena izrada šumsko-privrednih osnova.
- (12) Sastav, rad i troškove stručne komisije iz stava (8) i (9) ovog člana, određuje Ministar.
- (13) Ako postoje objektivni razlozi za odstupanje od šumsko-privredne osnove, naročito zbog prirodnih nepogoda ili bitno promijenjenih privrednih uslova, obavezno je izvršiti njenu reviziju. Reviziju odobrava i na izvršenu reviziju daje saglasnost Ministarstvo i jedan primjerak se dostavlja Kantonalnom šumarskom inspektor (u daljem tekstu: šumarski inspektor).
- (14) Ministar donosi pravilnik o sadržaju i postupku izrade šumsko-privrednih osnova za državne i privatne šume, kao i reviziju istih.

#### Član 7.

##### (Godišnji plan gospodarenja za realizaciju šumsko-privredne osnove)

- (1) Šumsko-privredna osnova se realizuje godišnjim planovima koji sadrže prosječno jednu desetinu svih planiranih radova po šumsko-privrednoj osnovi. Sastavni dio godišnjeg plana gospodarenja državnim

šumama i šumskim zemljištem su projekti za izvođenje svih planiranih radova.

- (2) Saglasnost na godišnji plan gospodarenja državnim šumama i šumskim zemljištem, koji je korisnik državnih šuma i šumskog zemljišta dužan dostaviti najkasnije do 30.11. tekuće za narednu godinu, daje Kantonalna uprava u roku od 30 dana od dana prijema godišnjeg plana gospodarenja, a radovi predviđeni godišnjim planom gospodarenja ne mogu se započeti bez saglasnosti Kantonalne uprave.
- (3) Ukoliko u toku godine postoje opravdani razlozi može se izvršiti izmjena godišnjeg plana gospodarenja državnim šumama i šumskim zemljištem na način kako je to predviđeno stavom (2) ovog člana.
- (4) Usvojeni godišnji plan gospodarenja korisnik državnih šuma i šumskog zemljišta je dužan u roku od 15 dana od dana usvajanja dostaviti Kantonalnoj upravi za inspeksijske poslove - šumarskoj inspekciji i općini na čijem području će se izvoditi radovi predviđeni godišnjim planom gospodarenja.

#### Član 8.

##### (Projekat za izvođenje radova u šumarstvu)

- (1) Projekat za izvođenje radova u šumarstvu se izrađuje za uređajnu jedinicu-odjel za državne šume i katastarsku parcelu/parcele za privatne šume. Radovi predviđeni projektom za izvođenje su obavezni.
- (2) Projekat za izvođenje radova u šumarstvu mora sadržavati planove svih potrebnih biotehničkih mjera u okviru pojedinih sastojina unutar odjela, a u skladu sa predviđenim ciljevima gospodarenja i to: plan sječa, plan šumsko-uzgojnih radova, plan zaštite i korištenja šuma po obimu, mjestu i vremenu izvođenja, preglednu kartu, procjenu uticaja radova na okoliš i ekonomsku analizu.
- (3) Projekat za izvođenje radova u šumarstvu mogu izrađivati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci i položenim stručnim ispitom. Korisnik državnih šuma i šumskog zemljišta, odnosno vlasnik privatne šume, određuje lice za izradu projekta za izvođenje radova u šumarstvu, kao i realizatora projekta diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja).

- (4) Projekat za izvođenje radova u šumarstvu donosi korisnik državnih šuma i šumskog zemljišta za državne šume, a za privatne šume Kantonalna uprava ili pravno lice registrovano za obavljanje poslova u šumarstvu.
- (5) Izuzetno od stava (1) ovog člana, projekat za izvođenje radova u šumarstvu može se izrađivati za više odjela u jednom slivu ako sječa i izrada sanitarnih užitaka ne prelazi više od 100 m<sup>3</sup> po jednom odjelu.
- (6) Za privatne šume izrađuju se projekti za šumsko-uzgojne radove kao i za sječju ako je godišnji obim sječa veći od 100 m<sup>3</sup> po k.č.
- (7) Korisnik državnih šuma i šumskog zemljišta određuje realizatora projekta diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja) sa najmanje tri godine radnog iskustva u struci sa položenim stručnim ispitom, koji je odgovoran za stručno izvođenje radova po projektu.
- (8) Projekat za izvođenje ima trajan karakter i čuva se u arhivi korisnika šuma i šumskog zemljišta, Kantonalne uprave ili pravnog lica za obavljanje stručnih poslova u privatnim šumama.
- (9) Korisnik državnih šuma i šumskog zemljišta i Kantonalna uprava ili pravno lice registrirano za obavljanje poslova u šumarstvu za privatne šume dužni su da vode registar izrađenih i donesenih projekata za izvođenje radova u šumarstvu i da sve izvršene radove po projektu evidentiraju u odgovarajuće evidencije, koje će propisati Ministar.
- (3) Izuzetno od stava (2) ovog člana, doznaku stabala u državnim i privatnim šumama koje su predviđene za sanitarnu sječju i za snabdijevanje ogrevnim drvetom može vršiti bakalareat šumarstva sa najmanje jednom godinom radnog iskustva u struci ili šumarski tehničar sa pet godina radnog iskustva u struci, uz kontrolu diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja).
- (4) Doznaka i sječa stabala ne može se vršiti u šumama za koje imovinsko-pravni odnosi nisu riješeni, utvrđene granice i na terenu vidno i na propisan način obilježene, izuzev doznake i sječe slučajnih užitaka, koji su zaraženi, napadnuti od potkornjaka i drugih štetočina, prelomi, vjetroizvale i dr, u cilju sprječavanja zaraze (kalamiteta).
- (5) Doznaka stabala za sječju i obim šumsko-uzgojnih radova u privatnim šumama vrši se u skladu sa šumsko-privrednom osnovom, na osnovu rješenja Kantonalne uprave.
- (6) Doznaka i sječa stabala, odnosno površina za sječju, može se odobriti samo licu koje uz zahtjev dostavi dokaze o pravu vlasništva i posjeda (zemljišnoknjižni izvadak, posjedovni list).
- (7) Protiv rješenja iz stava (5) ovog člana može se izjaviti žalba Ministarstvu u roku od osam dana od dana prijema istog.
- (8) Stabla u šumi mogu se sjeći tek poslije izvršene doznake, izrade projekta za izvođenje radova u šumarstvu, obavještanja Kantonalne uprave i općine na čijem se području vrši sječa.
- (9) Ministar donosi Pravilnik kojim se propisuje način doznake i obilježavanja površina za sječju.

## DIO TREĆI-PRIVREĐIVANJE U ŠUMARSTVU

### Član 9.

#### (Doznaka stabala za sječju)

- (1) Doznaka stabala za sječju vrši se odabiranjem stabala ili obilježavanjem površina obraslih drvećem. Obilježavanje površina za sječju može se vršiti samo u izdanačkim šumama u svrhu konverzije šuma.
- (2) Doznaku stabala za sječju može vršiti diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), sa najmanje dvije godine radnog iskustva u struci kojeg odredi korisnik državnih šuma i šumskog zemljišta za državne šume, a za privatne šume Kantonalna uprava, odnosno

### Član 10. (Sječa šuma)

- (1) Stabla u šumi mogu se sjeći tek poslije njihovog odabiranja i obilježavanja u skladu sa smjernicama šumsko-privredne osnove.
- (2) Prije sječe u državnim šumama, redovne ili sanitarne, korisnik državnih šuma i šumskog zemljišta prijaviti će sječju šumarskom inspektor. Prijava će biti poslana najmanje 14 dana i najviše 60 dana prije početka sječe doznačenih stabala i sadržavat će:

- a) broj odjela iz šumsko-privredne osnove, odluku o donošenju projekta i razlog za sječju u slučaju sanitarne ili druge slučajne sječje;
  - b) planirani rok za sječju;
  - c) vrstu sječje, količinu i strukturu drvne mase za sječju po vrstama drveća;
  - d) način obnove šume;
  - e) šumsko-uzgojne i zaštitne mjere koje će se sprovesti nakon sječje;
  - f) način izvlačenja šumskih drvnih sortimenta sa skicom postojećih i novih vlaka;
  - g) identifikaciju osobe koja je izvršila doznaku i izradila projekat za izvođenje.
- (3) Šteta koja se nanese zemljištu mora biti popravljena odmah nakon završetka izvlačenja šumskih drvnih sortimenata. Ministar će propisati način, oblik i sadržaj obrasca o prijavi sječje.
- (4) Ukoliko postoji opravdan razlog za sumnju da je planirana ili započeta sječja ili druge radnje u suprotnosti sa šumsko-privrednom osnovom, ovim zakonom ili propisima koji su doneseni na osnovu ovog zakona, nadležni šumarski inspektor može zabraniti planiranu sječju dok se ne otklone utvrđene nepravilnosti.
- (5) Korisnik državnih šuma i šumskog zemljišta dužan je prije sječje, o planiranoj sječji obavijestiti Kantonalnu upravu i općinu na čijem se području vrši sječja.
- (6) Pravna i fizička lica koja nanesu štetu u državnim i privatnim šumama i na šumskom zemljištu po bilo kom osnovu, dužni su nosiocu prava upravljanja državnim šumama i šumskim zemljištem, odnosno vlasniku privatne šume nadoknaditi štetu prema odštetnom cjenovniku koji će propisati Ministar.

#### **Član 11. (Biološka obnova šuma)**

- (1) Korisnik državnih šuma i šumskog zemljišta i vlasnik/predstavnik vlasnika privatne šume i šumskog zemljišta dužni su izvršavati poslove biološke obnove šuma, minimalno u obimu koji je predviđen šumsko-privrednom osnovom.
  - (2) Biološka obnova šuma podrazumijeva: pripremu zemljišta za prirodno podmlađivanje, pošumljavanje i sjetva sjemenom neobraslog šumskog zemljišta, popunjavanje, njegu i čišćenje šumskih kultura, proizvodnju šumskog sjemena i šumskog sadnog materijala, prorjeđivanje sastojina, sanaciju požarišta, prevodenje degradiranih sastojina u viši uzgojni oblik, doznaku stabala za sječju, rekonstrukciju i konverziju
- izdanačkih šuma, makija, šikara i šibljacka, zaštitu šuma, certificiranje gospodarenja šumama, projektovanje, izgradnju, rekonstrukciju i održavanje šumske infrastrukture, saniranje i obnova šumskih površina koje su stradale od prirodnih nepogoda ili katastrofa, kupovinu zemljišta u svrhu podizanja novih šuma uključujući i podizanje plantaža brzorastućih vrsta drveća, naučno istraživački rad i stručno obrazovanje kadrova iz djelokruga rada šumarstva.
- (3) Planirani obim biološke obnove šuma u šumsko-privrednim osnovama mora biti usklađen sa Kantonalnim šumsko-razvojnim planom.

#### **Član 12. (Tehnički prijem radova)**

- (1) Za izvedene radove po projektu za izvođenje vrši se tehnički prijem, a najkasnije u roku od 30 dana od dana okončanja radova.
- (2) Tehnički prijem radova izvedenih po projektu za izvođenje radova u šumarstvu vrši komisija za tehnički prijem radova, koju za državne šume formira korisnik državnih šuma i šumskog zemljišta, a za privatne šume Kantonalna uprava ili pravno lice registrirano za obavljanje poslova u šumarstvu.
- (3) Komisija iz stava (2) ovog člana sastoji se od tri člana. U sastav komisije obavezno ulazi diplomirani inženjer šumarstva (VII stepen stručne spreme), odnosno master diplomirani inženjer šumarstva (Bolonjski sistem studiranja), koji je izradio projekat za izvođenje radova u šumarstvu, a ostala dva člana su diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja) i predstavnik Kantonalne uprave sa položenim stručnim ispitom. Tehnički prijem radova pošumljavanja (kolaudacija) vrši se poslije dvije godine od završetka njihovog izvođenja.
- (4) Realizator projekta iz člana 8. stav (3) ovog zakona ne može biti imenovan u komisiju za tehnički prijem radova.
- (5) Ako se prilikom tehničkog prijema utvrdi da radovi nisu izvršeni u skladu sa projektom za izvođenje korisnik državnih šuma i šumskog zemljišta, odnosno vlasnik šuma je dužan utvrđene nedostatke otkloniti i radove izvršiti u roku koji odredi komisija. Nakon isteka roka komisija vrši ponovni pregled.
- (6) O izvršenom tehničkom prijemu izvedenih radova, komisija sačinjava zapisnik u kojem se obavezno

konstatuje uspjeh, obim i kvalitet izvršenih radova po projektu za izvođenje.

- (7) Primjerak zapisnika komisije dostavlja se u roku od osam dana od dana završetka pregleda Kantonalnoj upravi za inspeksijske poslove-šumarskom inspektoratu.
- (8) Svi izvršeni radovi i nalaz komisije obavezno se evidentiraju u registar evidencije, koji će pravilnikom propisati Ministar.

#### Član 13.

##### (Izvođenje radova u šumarstvu)

- (1) Radove u šumarstvu mogu obavljati pravna lica registrovana za obavljanje djelatnosti u šumarstvu i koja posjeduju rješenje Ministarstva.
- (2) Pravna lica koja obavljaju poslove u šumama dužna su obezbijediti mjere zaštite na radu u skladu sa propisima iz oblasti zaštite na radu i zaštite od požara i obavezna su sprovesti adekvatnu obuku zaposlenih.
- (3) Kantonalna uprava, u saradnji sa obrazovnim ustanovama, organizira obuke iz stava (1) ovog člana za zaposlenike pravnih lica registriranih za obavljanje poslova u šumarstvu, koji nemaju uvjerenje o završenoj šumarskoj obuci, kao i za vlasnike privatnih šuma, o čemu je dužna pribaviti uvjerenje ustanove koja je izvršila obuku.
- (4) Ministar donosi Pravilnik kojim se propisuju uslovi koje moraju ispunjavati izvođači radova u šumarstvu iz stava (1) ovog člana.

#### Član 14.

##### (Zabrana čistih sječa i drugih oblika pustošenja šuma)

- (1) Nisu dozvoljene čiste sječe i drugi oblici pustošenja šuma izuzev pripreme šumsko-uzgojnih mjera s ciljem unaprjeđenja šumskih sastojina u obimu koji je planiran šumsko-privrednom osnovom iz sanitarnih razloga ili provođenja preventivnih zaštitnih mjera.
- (2) Sve površine nastale čistom sječom i paljike moraju biti pošumljene u roku od dvije godine nakon sječe ili šumskog požara, prirodnom obnovom ili putem pošumljavanja.

## DIO ČETVRTI-ZAŠTITA OD BIOTIČKIH I NEBIOTIČKIH AGENSA

#### Član 15.

##### (Preventivne mjere zaštite šuma)

- (1) Preventivne mjere zaštite od biotičkih i nebiotičkih agensa, koji bi mogli ugroziti stabilnost šuma i njihove funkcije, zasnivaju se na gospodarenju šumama, koje uvažava prirodne procese, kao i na održavanju i odgovarajućem unaprjeđenju biodiverziteta u šumi.
- (2) Korisnik državnih šuma i šumskog zemljišta i vlasnici privatnih šuma i šumskog zemljišta dužni su da provode ili obezbjeđuju provođenje šumskog reda, sanitarne sječe i druge preventivne mjere prije nego što bi se šume mogle ugroziti prekomjernim razmnožavanjem insekata, širenjem uzročnika biljnih bolesti ili drugih štetnih organizama.
- (3) Kantonalna uprava prikuplja podatke u vezi sa zaštitom šuma, koje korisnik državnih šuma i šumskog zemljišta dostavlja u roku koji odredi Kantonalna uprava, obezbjeđuje informacije o pojavi biljnih bolesti i štetočina; savjetuje o pitanjima koja se tiču integralne zaštite šuma.
- (4) Ministar naređuje dodatne mjere za zaštitu šume ukoliko Kantonalna uprava ustanovi da je biološka ravnoteža poremećena ili ukoliko postoji opasnost od drugog velikog oštećenja šume.

#### Član 16.

##### (Obnova šuma nakon nepogode)

U slučaju nepogode u šumi uzrokovane bilo kojim biotičkim ili nebiotičkim agensom korisnik državnih šuma i šumskog zemljišta za državne šume, a Kantonalna uprava za privatne šume, dužni su da pripreme plan za obnovu oštećenih i uništenih šuma i šumskog zemljišta, koji sadrži opis nepogode, stepen oštećenja šume, mjere koje se trebaju provesti i troškove sanacije i obnove.

## DIO PETI-PROMET DRVETA I NEDRVNIH ŠUMSKIH PROIZVODA

#### Član 17.

##### (Promet drveta i nedrvnih šumskih proizvoda)

- (1) Zabranjeno je pomjerati od panja drvo, dijelove stabala i grane posječene u šumi i izvan šume (na

- poljoprivrednom zemljištu, međama, pojedinačna stabla i sl.), dok se ne obilježi šumskim čekićem (žigoše), obrojči i promjeri, niti stavljati u promet dok se ne izda otpremni iskaz.
- (2) Žigosanje, obrojčavanje, promjeravanje i izdavanje otpremnog iskaza za drvo koje potiče iz državne šume vrši korisnik državnih šuma i šumskog zemljišta, a za drvo iz privatnih šuma i sa drugih površina Kantonalna uprava ili pravno lice registrirano za obavljanje poslova u šumarstvu.
- (3) Zabranjeno je nedrvne šumske proizvode stavljati u promet bez odobrenja korisnika državnih šuma i šumskog zemljišta ili vlasnika šume.
- (4) Pod prometom drveta i nedravnih šumskih proizvoda, u smislu ovog zakona, podrazumijeva se pomjeranje od panja, prevoz šumskim putevima i saobraćajnicama, kupovina, prodaja, poklon, skladištenje, kao i primanje drveta u pilane u kojima se vrši rezanje drveta.
- (5) Ne može se dozvoliti ili izvršiti sječa šume na uzurpiranom zemljištu na kome imovinsko-pravni odnosi nisu riješeni ili izvršiti sječa bez prethodne doznake i drvo staviti u promet prije žigosanja, obrojčavanja i izdavanja otpremnog iskaza ili staviti u promet nedrvne šumske proizvode u suprotnosti sa odredbama ovog člana.
- (6) Privremeno oduzimanje drveta i nedravnih šumskih proizvoda koji su stavljeni u promet u suprotnosti sa odredbama ovog člana vrše čuvari šuma, stručna lica Kantonalne uprave i korisnika državnih šuma i šumskog zemljišta, pripadnici policije, šumarski inspektor, a privremeno oduzimanje sredstava (motorna pila, sjekira i ostala sredstva) kojima je izvršena nezakonita radnja, kao i vozilo kojim se vrši prijevoz nelegalne drvne mase, vrše pripadnici policije, u skladu sa važećim propisima koji se odnose na krivičnu, odnosno prekršajnu odgovornost. Privremeno oduzete šumske proizvode, na mjestu privremenog oduzimanja, preuzima Kantonalna uprava i skladišti ih na mjestu koje sama odredi, a što će se definisati posebnim ugovorom sa korisnikom državnih šuma i šumskog zemljišta. U slučaju da postoji mogućnost da se u toku pohranjivanja šumskim proizvodima ili sredstvima umanjí vrijednost ili da njihovo pohranjivanje iziskuje nesrazmjerne troškove, privremeno oduzeta roba će se prodati licitacijom, a finansijska sredstva uplati na depozitni račun Budžeta Zeničko-dobojskog kantona (u daljem tekstu: Budžet Kantona), na odgovarajuću vrstu prihoda.
- (7) Lica iz stava (6) ovog člana dužna su legitimisati sva lica koja se kreću na području šume koju čuvaju, odnosno nad kojom vrše nadzor, kao i lica koja prometuju šumskim proizvodima.
- (8) U periodu vegetacije, od 1. aprila do 1. novembra, drvo četinara i brijesta ne može se sa korom stavljati u promet i uskladištavati, izuzev ako period od sječe do otpreme traje kraće od ciklusa razvoja insekta, a najduže do 21 dan.
- (9) Način žigosanja, obrojčavanja, promjeravanja, sadržaj i način izdavanja otpremnog iskaza za drvo propisat će Ministar.

## DIO ŠESTI - ŠUME I ŠUMSKO ZEMLJIŠTE S POSEBNIM REŽIMOM GOSPODARENJA

### Član 18.

#### (Proglašenje zaštitnih šuma i šuma s posebnom namjenom)

- (1) Da bi se obezbijedila zaštita ili specijalni režim gospodarenja, određene šume i šumsko zemljište, mogu biti proglašene zaštitnim šumama ili šumama sa posebnom namjenom. Procjena šumskih funkcija u ovim šumama utvrđuje se stručnim šumarskim elaboratom sa podacima o stanju šuma i principima i metodama gospodarenja šumama u cilju očuvanja šuma i ostvarivanja namjene proglašenja područja, izvršioca propisanog režima kao i pravnog lica koje je odgovorno za obezbjeđenje sredstava za pokriće troškova u vezi sa posebnim režimom gospodarenja.
- (2) Stručni šumarski elaborat iz stava (1) može izraditi pravno lice iz člana 6. stav (6) ovog zakona.
- (3) Korisnik državnih šuma i šumskog zemljišta, odnosno vlasnici privatnih šuma i šumskog zemljišta, imaju pravo na naknadu za ograničeno korištenje ili povećane troškove zaštite. Naknadu snosi pravno lice na čiji je zahtjev proglašenje izvršeno. Visina naknade se utvrđuje u skladu sa pravilnikom o uslovima i načinu davanja državnih šuma i šumskog zemljišta u zakup i uspostavi prava služnosti, koji donosi Ministar.
- (4) Ministarstvo na osnovu podataka koje mu dostavlja Kantonalna uprava, vodi evidenciju zaštitnih šuma i šuma sa posebnom namjenom.

**Član 19.**  
**(Zaštitne šume)**

- (1) Zaštitne šume služe za zaštitu zemljišta na strmim terenima i zemljišta podložnih erozijama, bujicama, klizištima, zaštitu naselja, privrednih i drugih objekata, izvorišta, vodotoka i akumulacija i šume koje su podignute kao zaštitni pojasevi.
- (2) Vlada proglašava šume i šumsko zemljište zaštitnim šumama na prijedlog Ministarstva, sačinjen uz prethodno pribavljeno mišljenje Kantonalne uprave i općine na čijem se području nalaze šume i šumsko zemljište koje treba proglasiti zaštitnim šumama.
- (3) Primjerak akta o proglašenju zaštitnih šuma, dostavlja se Ministarstvu, nadležnoj instituciji za zaštitu kulturno-historijskog i prirodnog naslijeđa, Kantonalnoj upravi i općini na čijem se području nalaze šume i šumsko zemljište koje je proglašeno zaštitnim šumama.

**Član 20.**  
**(Šume s posebnom namjenom)**

- (1) Šume ili njeni dijelovi koje imaju poseban kulturni, historijski, ekološki i prirodni značaj, uključujući i šume namijenjene za izletišta, odmor, opće obrazovanje, rekreaciju, turizam, klimatska i druga lječilišta, proglašavaju se šumama sa posebnom namjenom u skladu sa odredbama Zakona o zaštiti prirode ili drugim propisom koji također propisuje poseban režim gospodarenja za šume.
- (2) Šume sa posebnom namjenom su i šume od posebnog značaja za odbranu i potrebe Oružanih snaga Bosne i Hercegovine, kao i šume ili njeni dijelovi registrovani kao sjemenske sastojine i sjemenski objekti, u skladu sa odredbama Zakona o sjemenu i sadnom materijalu šumskih i hortikulturnih vrsta drveća i grmlja.
- (3) Zahtjev sa elaboratom za proglašenje šuma sa posebnom namjenom koji podnosi zainteresirano pravno lice obavezno sadrži: cilj i razloge za proglašenje; popis katastarskih parcela kao i naziv šumsko-privrednog područja - gospodarske jedinice; broj odjela i oznaku odsjeka; kartu najmanje razmjere 1:10.000 sa ucertanim parcelama; stručni šumarski elaborat iz člana 16. ovog Zakona; procjenu okolišnog uticaja; predložena ograničenja u gospodarenju; predložene naknade sa izvorom finansiranja; saglasnost općine i odgovarajuće administrativne mjere uključujući javne obavijesti i rasprave.
- (4) Primjerak akta o proglašenju šuma sa posebnom namjenom dostavlja se Ministarstvu, Ministarstvu

prostornog uređenja, prometa i komunikacija i zaštitu okoline Zeničko-dobojskog kantona, nadležnoj instituciji za zaštitu kulturno-historijskog i prirodnog naslijeđa, Kantonalnoj upravi i općini na čijem se području nalazi šuma i šumsko zemljište koje je proglašeno šumom sa posebnom namjenom.

**Član 21.**  
**(Procjena okolišnog uticaja i šume na kršu)**

- (1) Procjena okolišnog uticaja je obavezna za podizanje monokulture na površini većoj od pet hektara i za pretvaranje šumskog zemljišta u građevinsko iz člana 43. ovog zakona, u skladu sa propisima o zaštiti okoliša.
- (2) Šume i šumska zemljišta na kršu su područja sa bitno smanjenom produktivnosti, koje se zbog svojih specifičnosti (posebnosti) klasifikuju kao područja sa posebnim režimom gospodarenja, te uživaju podršku Kantona i općina i klasifikuju se kao područja velike opasnosti od šumskih požara.

**DIO SEDMI - ZAŠTITA ŠUMA I ŠUMSKOG ZEMLJIŠTA OD ŠTETA**

**Član 22.**  
**(Zabrana loženja vatre u šumi i zaštita šuma od požara)**

- (1) U šumama i na šumskom zemljištu kao i na drugom zemljištu na udaljenosti manjoj od 150 m od šume nije dozvoljeno loženje otvorene vatre.
- (2) Zabranjena je izgradnja i rad fabrika i drugih objekata koji rade sa otvorenim plamenom na udaljenosti manjoj od 250 metara od granice šume.
- (3) Izuzev od stava (1) ovog člana, vatra u šumama i na šumskom zemljištu može se ložiti samo na mjestima određenim i obilježenim od strane Kantonalne uprave i vlasnika privatnih šuma uz pridržavanje propisanih uslova i mjera bezbjednosti.
- (4) Korisnik državnih šuma i šumskog zemljišta u saradnji sa Ministarstvom, Kantonalnom upravom i organom nadležnim za poslove civilne zaštite kantona, izrađuje i provodi planove za zaštitu šuma od požara i redovno izvještava Vladu.
- (5) Vlasnici privatnih šuma i šumskog zemljišta dužni su da preventivno djeluju, suzbijaju i učestvuju u gašenju požara.

- (6) Zaštita od požara u šumama, na šumskom i poljoprivrednom zemljištu organizira se i provodi u skladu sa ovim zakonom i Zakonom o zaštiti od požara i vatrogastvu.
- (7) Odgovornost za zaštitu od požara u šumama, na šumskom i poljoprivrednom zemljištu imaju sva pravna i fizička lica koja su vlasnici ili korisnici šuma, šumskog i poljoprivrednog zemljišta, kao i organi Kantona i općina koji su nadležni za šume i šumska zemljišta, te poljoprivredno zemljište.
- (8) Ministar će propisati sadržaj plana zaštite šuma od požara iz stava (3) ovog člana i obrazac na kojem će Kantonalna uprava i korisnik državnih šuma i šumskog zemljišta izvještavati o šumskim požarima.

#### Član 23.

##### (Upotreba hemijskih sredstava u šumi i odlaganje otpada)

- (1) Nije dozvoljena upotreba hemijskih sredstava, odlaganje otpada, smeća ili zagađujućih tvari u šumi i na šumskom zemljištu.
- (2) Izuzetno od stava (1) ovog člana, uz dozvolu Ministarstva, certificirana hemijska sredstva, pod uslovom da ne ugrožavaju biološku ravnotežu, mogu biti korištena u šumskim rasadnicima i u šumama za zaštitu biljaka od divljači i od korova u cilju smanjenja prekomjerne populacije insekata čiji broj ne može biti smanjen ni na koji drugi način, te za gašenje šumskih požara.

#### Član 24.

##### (Pašarenje)

- (1) Paša, žirenje, brst, kresanje grana i lisnika (u daljnjem tekstu: pašarenje) u šumama nije dozvoljeno bez pisanog odobrenja korisnika državnih šuma i šumskog zemljišta ili vlasnika privatnih šuma, na površinama koje su određene šumsko-privrednom osnovom.
- (2) Korisnik državnih šuma i šumskog zemljišta obavezan je na početku godine dostaviti Kantonalnoj upravi spisak odjela u kojima je dozvoljeno pašarenje.

#### Član 25.

##### (Praćenje zdravstvenog stanja šuma)

Kantonalna uprava i korisnik državnih šuma i šumskog zemljišta dužni su da prate zdravstveno stanje šuma i obim šteta u šumama, poduzimaju adekvatne preventivne mjere za sprječavanje pojava koje mogu prouzrokovati štete na šumi, te o tome minimalno jednom godišnje izvještavati Ministarstvo, općine i javnost.

## DIO OSMI - NEDRVNI ŠUMSKI PROIZVODI I ZAŠTITA UGROŽENIH VRSTA

#### Član 26.

##### (Iskorištavanje nedravnih šumskih proizvoda)

- (1) Korisnik državnih šuma i šumskog zemljišta i vlasnici privatnih šuma i šumskog zemljišta mogu uzgajati i iskorištavati nedrvne šumske proizvode ili odobriti drugim pravnim i fizičkim licima njihovo iskorištavanje u obimu i na mjestima koja su određena u šumsko-privrednoj osnovi.
- (2) Korisnik državnih šuma i šumskog zemljišta može za vlastite potrebe koristiti mineralne sirovine na površinskim kopovima - pozajmištima predviđenim šumsko-privrednom osnovom u svrhu izgradnje i održavanja šumske transportne infrastrukture.
- (3) Ministar donosi Pravilnik o uzgoju, iskorištavanju, sakupljanju i prometu nedravnih šumskih proizvoda.

#### Član 27.

##### (Zaštita ugroženih vrsta)

- (1) Zabranjena je sječa, iskorjenjivanje ili bilo kakvo oštećivanje stabala Pančičeve omorike (*Picea omorika* (Pančić) Purk.), tise (*Taxus baccata* L.), mečje lijeske (*Corylus colurna* L.), planinskog javora (*Acer heldreichii* Orph.), planinskog bora (*Pinus mugo* Turra), zelene johe (*Alnus viridis* (Chaix) Lam. & DC.), munike (*Pinus heldreichii* Christ.) i zanovijeti (*Fetteria ramentacea* (Sieber) Presl), božikovine (*Ilex aquifolium*), lovorisnog lokovca (*Daphne laureola*) i meke veprine (*Ruscus hippoglossum*), osim ako je potrebno provesti uzgojne i sanitarne sječe.
- (2) Zahtjev za provođenje uzgojne i sanitarne sječe iz stava (1) ovog člana podnosi se Ministarstvu, a Kantonalna uprava uviđajem na licu mjesta sačinjava zapisnik na osnovu kojeg Ministar donosi rješenje i dostavlja ga podnosiocu zahtjeva i šumarskoj inspekciji.

#### Član 28.

##### (Divljač u šumi)

- (1) Obaveza korisnika lovišta je da za vrste divljači i njihovo brojno stanje u šumama mora obezbijediti biološku ravnotežu koja ne smije ugroziti druge članove ekosistema ili spriječiti ostvarivanje ciljeva gospodarenja šumama i šumskim zemljištem. Unošenje pojedinih vrsta divljači u šume i na šumska

zemljišta mora obezbijediti njihov opstanak i ne smije ugroziti druge organizme na staništu.

- (2) Korisnik lovišta dužan je pričinjene štete i oštećenja koja je prouzrokovala divljač u šumi nadoknaditi korisniku državnih šuma i šumskog zemljišta i vlasniku privatnih šuma, u skladu sa odredbama Zakona o lovstvu („Službene novine Federacije Bosne i Hercegovine“ br. 4/06 i 8/10).

## DIO DEVETI - SAOBRAĆAJ U ŠUMAMA

### Član 29. (Gradnja šumske infrastrukture)

- (1) Planiranje i izgradnja šumskih puteva mora se prilagoditi prirodnom okolišu te uvažavati potrebe općine, kao i protupožarne, turističke i rekreativne potrebe.
- (2) Transportna šumska infrastruktura mora biti izgrađena u skladu sa šumsko-privrednom osnovom, koja služi prvenstveno za potrebe gospodarenja šumama i sastavni je dio šume.
- (3) Izgradnja i rekonstrukcija šumskih puteva izvodi se na osnovu projektne dokumentacije i pribavljenih akata od organa nadležnog za poslove građenja.
- (4) Korisnik državnih šuma i šumskog zemljišta, u skladu sa odredbama ovog zakona, gradi, održava i nadgleda šumsku infrastrukturu i promet na istoj.
- (5) Korisnik državnih šuma i šumskog zemljišta dostavlja podatke neophodne za uspostavljanje i vođenje katastra šumske infrastrukture Kantonalnoj upravi koja isti dostavlja općini.

### Član 30. (Kretanje motornih vozila u šumi)

- (1) Nije dozvoljeno kretanje motornih vozila u šumama i na šumskim putevima osim u svrhu gospodarenja šumama i nadzora, spašavanja, policijskih istraga, vojnih manevara, mjera za zaštitu od prirodnih nesreća, turizma, te pristupa vlasnika, korisnika i pojedinaca zemljištu za koje su odgovorni, kao i lokalnog stanovništva.
- (2) Korisnik državnih šuma i šumskog zemljišta i vlasnici privatnih šuma i šumskog zemljišta mogu dozvoliti kretanje šumskim putem trećem licu. Za organizovanje biciklističkih i moto trka šumskim putem potrebno je pribaviti dozvolu Ministarstva, koja može uključivati određenu naknadu.

### Član 31. (Pristup šumama)

Sva lica imaju pravo kretanja kroz šumu ili šumskim zemljištem na vlastitu odgovornost, ako nije drugačije određeno ovim zakonom ili šumsko-privrednom osnovom. Korisnik državne šume, odnosno vlasnici privatnih šuma nisu obavezni poduzimati posebne mjere opreza, niti će se smatrati odgovornim za bilo kakve štete ili ozljede koje pretrpe takva lica.

## DIO DESETI-UPRAVLJANJE ŠUMAMA

### Član 32. (Upravljanje šumama)

- (1) Šume i šumsko zemljište su u državnom vlasništvu (u daljnjem tekstu: državne šume) i u privatnom vlasništvu (u daljnjem tekstu: privatne šume).
- (2) Državnim šumama i šumskim zemljištem upravlja Vlada putem Ministarstva i Kantonalne uprave, pod uslovima utvrđenim ovim zakonom.
- (3) Pravo vlasništva nad državnim šumama i šumskim zemljištem ne može se steći njihovim korištenjem ili zauzimanjem bez obzira na period trajanja istog, odnosno dosjelošću (protokom vremena).

### Član 33. (Zabrana zauzimanja šuma i šumskog zemljišta)

- (1) Vlada, Ministarstvo i Kantonalna uprava provode prava i obaveze iz oblasti šumarstva na području Kantona u skladu sa odredbama ovog zakona i propisa donesenih na osnovu ovog zakona.
- (2) Zabranjeno je svako neovlašteno zauzimanje državne šume i šumskog zemljišta. Neovlašteno zauzetu državnu šumu i šumsko zemljište bespravni korisnik dužan je napustiti odmah po prijemu rješenja šumarskog inspektora, a u slučaju nepostupanja pokreće se odgovarajući sudski postupak.

### Član 34. (Promet šuma)

- (1) Zabranjen je promet državnih šuma i šumskog zemljišta, izuzev u svrhu arondacije i komasacije, kao i putem zamjene uz prethodno pribavljeno mišljenje Kantonalne uprave i Kantonalnog pravobranilaštva, na temelju kojih, Ministarstvo donosi rješenje. Primjerak rješenja Ministarstvo će dostaviti Federalnom ministarstvu poljoprivrede, vodoprivrede i šumarstva.

- (2) Državne šume i šumsko zemljište ne mogu biti predmetom privatizacije.
- (3) Granice državnih šuma i šumskog zemljišta moraju na terenu biti obilježene vidnim i trajnim znakovima.
- (4) Poslove obilježavanja, održavanja i obnove granica državnih šuma i šumskog zemljišta i graničnih znakova vrši korisnik državnih šuma i šumskog zemljišta.
- (5) Utvrđene granice iz stava (2) ovog člana moraju se ucertati na katastarskim planovima i provesti kroz katastarski operat organa nadležnog za geodetske poslove.
- (6) Ministar će donijeti Pravilnik o načinu obilježavanja granica državnih šuma i šumskog zemljišta, o vrsti postavljanja graničnih znakova i Pravilnik o procedurama i vremenskim ograničenjima za prodaju šume, pravu prvenstva kupovine i uslovima za zamjenu šume.

**Član 35.**  
**(Privatne šume)**

- 1) Privatne šume, u smislu ovog zakona, su sve šume i šumsko zemljište za koje fizičko ili pravno lice izvodom iz zemljišnih knjiga dokaže vlasništvo.
- (2) Privatnim šumama i šumskim zemljištem upravljaju i gospodare njihovi vlasnici u skladu sa ovim zakonom, podzakonskim aktima i odredbama šumsko-privredne osnove.
- (3) Vlasnik privatne šume i šumskog zemljišta dužan je da čuva svoju šumu od bespravnog zauzimanja i korištenja, od krađe šume i šumskih proizvoda, sprječava bespravnu izgradnju u privatnoj šumi i na šumskom zemljištu.
- (4) Vlasnik privatne šume i šumskog zemljišta ugovorom, uz naknadu, prenosi obavljanje stručnih poslova kako je definisano ovim zakonom, Kantonalnoj upravi ili pravnom licu za obavljanje poslova u šumarstvu.
- (5) Pod stručnim poslovima iz stava (4) ovog člana podrazumijevaju se doznaka, izrada izvedbenog projekta, primanje i premjeravanje drvne mase, izdavanje otpremnog iskaza, planiranje šumsko-uzgojnih radova, stručni nadzor, stručni savjetodavni poslovi i vođenje evidencija.
- (6) Naknada iz stava (4) ovog člana iznosi najviše 10 % od cijene na panju posječenih šumskih drvnih sorti-

menata po cjenovniku šumskih proizvoda koji donosi korisnik državnih šuma i šumskog zemljišta, uz prethodnu saglasnost Ministarstva.

- (7) Kada vlasnik privatne šume i šumskog zemljišta ugovorom prenese obavljanje stručnih poslova Kantonalnoj upravi, naknada se uplaćuje na depozitni račun Budžeta.

**DIO JEDANAESTI - EKONOMSKE FUNKCIJE ŠUME**

**Član 36.**

**(Prenošenje poslova gospodarenja državnim šumama)**

- (1) Na području Kantona posluje jedno ili više kantonalnih šumsko-privrednih društava. Šumsko-privredno društvo se može osnovati za jedno ili više šumsko-privrednih područja.
- (2) Odluku o osnivanju više od jednog šumsko-privrednog društva donosi Skupština Kantona na prijedlog Vlade.
- (3) Podnosilac inicijative o osnivanju više od jednog šumsko-privrednog društva je dužan uz zahtjev priložiti elaborat o opravdanosti osnivanja društva. Elaborat o opravdanosti osnivanja društva mora sadržavati sve ekonomske, stručno-tehničke, administrativne i druge parametre, koji mora biti uređen od strane ovlaštene visoko-školske ustanove iz oblasti šumarstva.
- (4) Ministarstvo ugovorom prenosi poslove gospodarenja državnim šumama i šumskim zemljištem korisniku državnih šuma i šumskog zemljišta, a posebno: izradu šumsko-privrednih osnova, izradu privremenih godišnjih planova gospodarenja, izradu godišnjih planova gospodarenja, izradu projekata za izvođenje radova u šumarstvu i njihovu realizaciju, projektovanje, izgradnju, rekonstrukciju i održavanje šumske infrastrukture, prometa šumskih drvnih sortimenata i nedrvnih šumskih proizvoda, izvršavanje programa i planova biološke obnove šuma, provođenje mjera integralne zaštite šuma, proizvodnje i prometa šumskog sjemena, šumskog i ukrasnog sadnog materijala, izvršavanje planova korištenja nedrvnih šumskih proizvoda, realizaciju planova razvoja šumarstva i mjera racionalizacije u šumarstvu, ostale poslove, zadatke i odgovornosti u skladu sa ugovorom.
- (5) Korisnik državnih šuma i šumskog zemljišta dužan je u cilju zaštite šuma o svim uočenim nepravilnostima u šumi i na šumskom zemljištu poduzeti odgovarajuće mjere zaštite.

- (6) Korisnik državnih šuma i šumskog zemljišta obavezan je šumske drvne sortimente prodavati po tržišnim uslovima i cijenama, a prije usvajanja cjenovnika isti usaglasiti sa Ministarstvom.
- (7) Korisnik državnih šuma i šumskog zemljišta ne može prenositi na treća lica prava koja proističu po osnovu vlasništva, kao davanje na korištenje, zakup i drugi način raspolaganja.

#### **Član 37.**

##### **(Vođenje evidencija o izvršenim radovima)**

- (1) Korisnik državnih šuma i šumskog zemljišta, za državne šume i šumsko zemljište, Kantonalna uprava ili pravno lice registrirano za obavljanje poslova u šumarstvu, za privatne šume i šumsko zemljište, dužni su voditi evidenciju o izvršenim radovima i provedenim mjerama predviđenim šumsko-razvojnim planom, šumsko privrednom osnovom, privremenim godišnjim planom gospodarenja, godišnjim planom gospodarenja i projektom za izvođenje radova u šumarstvu. Podaci se evidentiraju za proteklu godinu i dostavljaju Kantonalnoj upravi najkasnije do 28. februara tekuće godine za prethodnu godinu.
- (2) Ministar donosi pravilnik kojim se propisuje način i oblik vođenja registra evidencija iz stava (1) ovog člana.

#### **Član 38.**

##### **(Naknada za korištenje državnih šuma)**

Korisnik državnih šuma dužan je plaćati naknadu u visini 7% od ostvarenog prihoda od drveta, računajući cijenu drveta na panju i prihoda ostvarenog od nedrvenih šumskih proizvoda, u skladu sa odredbama člana 51. stav 1. i 2. ovog Zakona.

#### **Član 39.**

##### **(Dostava katastra šuma)**

Kantonalna uprava za šumarstvo dužna je Federalnoj upravi za šumarstvo i Ministarstvu dostaviti katastar državnih i privatnih šuma i šumskog zemljišta najdalje do 31. marta tekuće godine za prethodnu godinu, sa evidentiranim svim promjenama u toku godine.

#### **Član 40.**

##### **(Korištenje parcela trećih lica)**

Korisnik državnih šuma i šumskog zemljišta, odnosno vlasnik privatne šume dužan je da, uz naknadu, dozvoli privremeni prijevoz (prinudni put) ili smještaj šumskih

proizvoda sa susjednih parcela na šumi i šumskom zemljištu, ako to nije moguće izvršiti na drugi način ili ako bi drugi način bio nesrazmjerno skuplji.

#### **Član 41.**

##### **(Stručni šumarski ispit)**

Za obavljanje stručnih poslova u šumarstvu polaže se stručni šumarski ispit i mogu ga polagati diplomirani inženjeri šumarstva (VII stepen stručne spreme), odnosno masteri diplomirani inženjeri šumarstva (Bolonjski sistem studiranja), sa najmanje dvije godine radnog iskustva u struci nakon sticanja zvanja diplomiranog inženjera šumarstva (VII stepen stručne spreme), odnosno mastera diplomiranog inženjera šumarstva (Bolonjski sistem studiranja), pred ovlaštenom visoko-školskom ustanovom iz oblasti šumarstva.

### **DIO DVANAESTI - PROMJENA NAMJENE ŠUMSKOG ZEMLJIŠTA I GRADNJA U ŠUMI**

#### **Član 42.**

##### **(Izdvajanje šuma iz šumsko-privrednog područja)**

- (1) Vlada, na prijedlog Ministarstva, a na zahtjev Oružanih snaga Bosne i Hercegovine i policijskih struktura, može pojedine dijelove državnih šuma i šumskog zemljišta izdvojiti iz šumsko-privrednog područja.
- (2) Vlada može, na zahtjev općine uz elaborat o ekonomskoj opravdanosti i prethodno pribavljenog mišljenja Kantonalne uprave, na prijedlog Ministarstva, dijelove državnih šumskih zemljišta nepodesnih za pošumljavanje, izdvojiti iz šumsko-privrednog područja i prenijeti općini na korištenje u druge svrhe koje daju veću trajnu korist.
- (3) Podnosilac zahtjeva iz stava (1) i (2) ovog člana mora platiti naknadu u visini koja se određuje u skladu sa odredbama Zakona o eksproprijaciji. Naplaćena sredstva se uplaćuju u Budžet na odgovarajuću vrstu prihoda.

#### **Član 43.**

##### **(Krčenje šuma-pretvaranje šumskog zemljišta u građevinsko)**

- (1) Zabranjeno je krčenje šuma-pretvaranje šumskog zemljišta u građevinsko izuzev ako se radi o izgradnji objekata planiranih važećim planom prostornog uređenja u slučajevima kada se time postižu veće trajne koristi i ako neće biti štetnih posljedica za okoliš.

- (2) Pretvaranje šumskog zemljišta u građevinsko vršit će se u skladu sa Odlukom o načinu pretvaranja šumskog zemljišta u građevinsko („Službene novine Federacije Bosne i Hercegovine broj: 108/12).

#### **Član 44.**

##### **(Gradnja u šumi)**

- (1) U šumi i na šumskom zemljištu može se graditi samo šumska infrastruktura, objekti potrebni za gospodarenje šumama, u skladu sa važećom šumsko-privrednom osnovom i lovno-uzgojni i lovno-tehnički objekti, u skladu sa važećom lovno-privrednom osnovom.
- (2) Izuzetno od stava (1) ovog člana, u šumi i na šumskom zemljištu mogu se graditi objekti predviđeni važećim planom prostornog uređenja.
- (3) Općina ili investitor je obavezan prije otpočinjanja radova na izgradnji objekata predviđenih planom prostornog uređenja pribaviti dozvolu za promjenu namjene šumskog zemljišta iz člana 43. ovog zakona, osim za objekte iz stava (1) ovog člana.
- (4) Imovinsko-pravni odnosi za objekte iz stava (2) ovog člana, rješavaju se u skladu sa odredbama Zakona o eksproprijaciji, osim za objekte komunalne i prometne infrastrukture čiji je investitor općina, koja je oslobođena plaćanja naknade za eksproprijaciju.

#### **Član 45.**

##### **(Davanje državnih šuma u zakup)**

- (1) Zabranjeno je davanje u zakup državnih šuma i šumskog zemljišta.
- (2) Izuzetno od stava (1) ovog člana, Ministarstvo može pojedine dijelove državne šume i šumsko zemljište ugovorom davati u zakup, radi postavljanja privremenih objekata čija je gradnja predviđena ugovorom o koncesiji, za potrebe GSM baznih stanica, uzgoja divljači i podizanja višegodišnjih nasada stablašica, ukoliko se time ne narušavaju funkcije šume i za proizvodnju hrane u blizini naselja na udaljenosti od 100 m od ruba šume i u druge svrhe koje ostvaruju veće koristi u odnosu na funkcije šuma.
- (3) Prije sklapanja ugovora iz stava (2) ovog člana, potrebno je pribaviti mišljenje Kantonalnog pravobranilaštva.
- (4) Naknada koja se ostvaruje po osnovu ugovora iz stava (2) ovog člana, uplaćuje se u korist Budžeta.

- (5) Ukoliko se državnim šumama mijenja namjena, podnosilac zahtjeva za zakup obavezan je uplatiti naknadu za pretvaranje šumskog zemljišta u građevinsko iz člana 43. stav 2. ovog zakona bez provođenja procedure za krčenje šuma.

- (6) Vlada, na prijedlog Ministarstva, donosi Pravilnik o uslovima i načinu davanja državnih šuma u zakup i uspostavi prava služnosti.

#### **Član 46.**

##### **(Uspostava prava služnosti)**

- (1) U državnim šumama i šumskom zemljištu se može uspostaviti pravo služnosti u svrhu izgradnje vodovoda, kanalizacije, plinovoda, električnih vodova, kao i za druge namjene, ako je proglašen javni interes u skladu sa odredbama Zakona o eksproprijaciji.
- (2) Ugovor kojim se uspostavlja pravo služnosti zaključuje se između korisnika služnosti i Ministarstva.
- (3) Prije sklapanja ugovora iz stava (2) ovog člana, potrebno je pribaviti mišljenje Kantonalnog pravobranilaštva.
- (4) Naknada koja se ostvaruje po osnovu prava služnosti uplaćuje se u korist Budžeta.
- (5) Korisnik služnosti obavezan je uplatiti naknadu iz člana 43. stav 2. ovog zakona, bez provođenja procedure pretvaranja šumskog zemljišta u građevinsko.
- (6) Vlada, na prijedlog Ministarstva, donosi Pravilnik o uslovima i načinu davanja državnih šuma u zakup i uspostavi prava služnosti.

#### **DIO TRINAESTI - ŠUMARSKJE INSTITUCIJE**

#### **Član 47.**

##### **(Kantonalna uprava za šumarstvo)**

- (1) Kantonalna uprava za šumarstvo je uprava u sastavu Ministarstva.
- (2) Sjedište Kantonalne uprave je u Zenici.

**Član 48.**

**(Poslovi Kantonalne uprave za šumarstvo)**

- (1) Kantonalna uprava obavlja upravne, stručne i druge poslove:
- a) obezbjeđuje neposrednu zaštitu državnih šuma i šumskog zemljišta putem čuvarske službe;
  - b) prikuplja podatke i vodi bazu podataka o stanju i razvoju svih šuma i vodi katastar šuma i šumskog zemljišta na području Kantona i dostavlja ih Federalnom ministarstvu poljoprivrede, vodoprivrede i šumarstva, Federalnoj upravi za šumarstvo i Ministarstvu;
  - c) zastupa interese vlasnika državnih šuma i šumskog zemljišta u postupcima koji se vode po pitanju prava vlasništva, postupcima po vlasničkim tužbama, postupci uzurpacija, eksproprijacija, arondacija, komasacija i zamjena šume i šumskog zemljišta i ugovorom prenosi te poslove korisniku državnih šuma i šumskog zemljišta.
  - d) priprema Kantonalni šumsko-razvojni plan i podnosi ga Ministarstvu;
  - e) izrađuje elaborat za formiranje šumsko-privrednih područja;
  - f) vrši nadzor nad prikupljanjem podataka i izradom šumsko-privrednih osnova za privatne šume i nadzor nad prikupljanjem podataka za izradu šumsko-privrednih osnova za državne šume;
  - g) prati realizaciju šumsko-privrednih osnova putem godišnjih planova gospodarenja šumama;
  - h) vodi evidenciju objekata za proizvodnju i doradu šumskog sjemena i proizvođača šumskog i ukrasnog drveća i grmlja;
  - i) obavlja poslove dijagnostično prognozne službe i prati stanje i stepen oštećenosti šuma i o tome obavještava Ministarstvo najmanje jednom godišnje;
  - j) prati izvršenje svih ugovornih obaveza koji se odnose na državne šume;
  - k) prati realizaciju programa zaštite šuma;
  - l) usaglašava šumsko-privredne osnove sa prostornim planovima, planom upravljanja vodama, lovno-privrednim osnovama, evidencijama koje se vode u Zavodu za zaštitu kulturno historijskog i prirodnog naslijeđa i planovima upravljanja mineralnim sirovinama;
  - m) prati i analizira ekonomsko stanje u oblasti šumarstva na području Kantona i podatke dostavlja Ministarstvu;
  - n) priprema i izrađuje programe iz oblasti šumarstva, koji se finansiraju ili sufinansiraju iz namjenskih sredstava Budžeta;
  - o) priprema i daje mišljenje za proglašenje zaštitnih šuma i šuma sa posebnom namjenom na način propisan ovim zakonom;

- p) organizuje savjetovanja i pruža stručnu pomoć korisniku državnih šuma i šumskog zemljišta i vlasnicima privatnih šuma;
  - r) izrađuje planove za izgradnju i održavanje šumskih putnih komunikacija koji se finansiraju iz Budžeta, uz saglasnost Ministarstva;
  - s) upoznaje javnost sa stanjem šuma i izdaje odgovarajuće stručno-popularne publikacije o stanju šuma i njihovom značaju;
  - š) izrađuje godišnji plan rada, finansijski plan i godišnji izvještaj i iste dostavlja Ministarstvu;
  - t) izrađuje i realizuje projekte koji se finansiraju iz domaćih i stranih izvora finansiranja, a koji unapređuju stanje u šumarstvu;
  - u) obavlja i druge poslove i zadatke koji proizlaze iz ovog zakona, Zakona o ministarstvima i drugim organima uprave Zeničko-dobojskog kantona, kao i po zahtjevu Ministarstva.
- (2) Kantonalna uprava dostavlja Ministarstvu sve tražene podatke, u cilju sagledavanja stanja šumarstva na području Kantona.

**Član 49.**

**(Čuvanje šuma)**

- (1) Kantonalna uprava je dužna obezbijediti neposrednu zaštitu državnih šuma i šumskog zemljišta iz člana 36. stav. (2) ovog Zakona, a odnosi se na čuvanje šuma od: šumskih požara i drugih prirodnih nepogoda, biljnih bolesti i štetočina, bespravnog prisvajanja i korištenja i drugih protivzakonitih radnji, kao i kontrolu korištenja i prometa šumskih proizvoda iz privatnih šuma putem čuvara šuma.
- (2) Čuvari šuma iz stava (1) ovog člana su u okviru Kantonalne uprave raspoređeni po određenim čuvarskim reonima. Čuvanje šume obavljaju stručna lica (u daljem tekstu: čuvari šuma) koja za to ovlasti Ministarstvo.
- (3) Čuvari šuma mogu biti lica koja su završila srednju šumarsku školu IV stepena/SS, koja ispunjavaju uslove za nošenje oružja i druge uslove za obavljanje javne službe.
- (4) Čuvari šuma su ovlaštene službene osobe i imaju ovlaštenja u skladu sa ovim zakonom.
- (5) Čuvari šuma službu obavljaju u uniformi, moraju biti naoružani i moraju posjedovati dokument – legitimaciju čuvara šuma čiji oblik i sadržaj propisuje Ministar, a kojom potvrđuju status čuvara šuma. Legitimaciju imaju i druga stručna lica koja imaju ovlaštenje za poslove zaštite šuma.

- (6) Dužnosti čuvara šuma su da:
- čuva šumu i šumsko zemljište od šumskih požara na način kako je utvrđeno ovim zakonom i planovima zaštite šuma od požara;
  - čuva šumu i šumsko zemljište od bespravnog zauzimanja i korištenja, od bespravnih sječa, sprečava bespravnu izgradnju u šumi i na šumskim zemljištima;
  - evidentira bespravno posječena stabla u propisane obrasce i obilježava ih;
  - prati pojave i kretanje biljnih bolesti i štetočina i štete nanosene šumi od divljači;
  - prati stanje divljači;
  - prati održavanje šumskog reda;
  - sprečava nezakonito pokretanje drveta iz šume, ubiranje i sakupljanje nedrvnih šumskih proizvoda i stavljanje istih u promet;
  - zaustavlja prijevozna sredstva i pregleda prateću dokumentaciju za prijevoz šumskih sortimenata;
  - pregleda porijeklo drveta na pilanama i na svim drugim mjestima gdje se drvo drži;
  - pregleda transport na šumskim putevima;
  - sprečava odlaganje smeća i drugog otpada u šumi i uništavanje graničnih znakova;
  - sačinjava zapisnik o protivpravnoj radnji i putem Kantonalne uprave podnosi prijavu;
  - legitimira sva lica zatečena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovana sumnja da su izvršila takva djela;
  - obavještava nadređene rukovodioce Kantonalne uprave, policijsku stanicu i Kantonalnu upravu za inspeksijske poslove o svim zapaženim nepravilnostima.
- (7) Čuvar šuma obavezan je, u skladu sa svojim dužnostima iz stava (5) ovog člana, za sve bespravne aktivnosti, bez odlaganja sačiniti zapisnik, na osnovu kojeg je Kantonalna uprava dužna pokrenuti postupak kod nadležnog organa.
- (8) Na zahtjev čuvara šuma, svako lice je dužno pokazati lične isprave kojim se utvrđuju njegov identitet i dokumentaciju za drvo i ostale šumske proizvode u prijevozu ili koji su uskladišteni.
- se finansijska sredstva za zaštitu i unaprjeđenje stanja postojećih i podizanja novih šuma i ruralni razvoj.
- (2) Sredstva iz stava (1) ovog člana, obezbijeduju se iz naknada:
- za obavljanje stručnih poslova u privatnim šumama iz člana 35. stav (5) ovog zakona;
  - za korištenje državnih šuma i šumskog zemljišta iz člana 38. ovog zakona;
  - za izdvajanje šuma iz šumsko-privrednog područja iz člana 42. stav (3) ovog zakona;
  - za krčenje šume-pretvaranje šumskog zemljišta u građevinsko iz člana 43. stav 2. ovog zakona;
  - od zakupa državnih šuma i šumskog zemljišta iz člana 45. stav (2) ovog zakona;
  - po osnovu prava služnosti iz člana 46. stav (3) ovog zakona;
  - za općekorisne funkcije šuma iz člana 52. ovog zakona;
  - za štete pričinjene državnim šumama i šumskom zemljištu iz člana 9. stav 6 ovog zakona;
  - ostalih izvora u skladu sa ovim zakonom i drugih izvora.
- (3) Sredstva iz stava (2) ovog člana, osim dijela sredstava iz tačke b) koja pripadaju općini, uplaćuju se na depozitni račun Budžeta, a sredstva koja pripadaju općini uplaćuju se na depozitni račun za prikupljanje javnih prihoda općine.
- (4) Sredstvima sa posebnih računa iz stava (3) ovog člana raspolaže Ministar i općinski načelnik.
- (5) Uplata prihoda iz stava (2) ovog člana, od tačke a) do g) vrši se u skladu sa propisima Federalnog ministarstva finansija o načinu uplata javnih prihoda Budžeta i vanbudžetskih fondova na području Kantona.

#### Član 51.

##### (Uplata naknade za korištenje državnih šuma i šumskog zemljišta)

## DIO ČETRINAESTI-FINANSIRANJE

### Član 50.

#### (Izvori namjenskih sredstava)

- Radi ostvarivanja općeg interesa i dugoročnih ciljeva održivog gospodarenja šumama i šumskim zemljištem utvrđenih šumsko-privrednim osnovama, prikupljaju
  - Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju.
- 2,0 % na račun Budžeta
  - 5,0 % na namjenski račun općine na čijoj teritoriji se ostvaruje prihod.

- (3) Kontrolu obračuna i uplate naknade iz stava (1) ovog člana vrši šumarski inspektor.
- (4) Ako obveznik plaćanja naknade ne obračuna ili ne uplati naknadu iz stava (1) ovog člana na način propisan u stavu (1) ovog člana, šumarski inspektor koji je izvršio kontrolu uplate sredstava, po pravosnažnosti i izvršnosti rješenja o uplati sredstava koje je ispostavio obvezniku, podnosi nadležnom sudu prijedlog za prinudno izvršenje ove novčane obaveze.

#### Član 52.

##### (Naknada za općekorisne funkcije šuma)

- (1) Naknadu za općekorisne funkcije šuma u visini od 0,07 % od ukupno ostvarene godišnje dobiti, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.
- (2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta.
- (3) Od obaveze plaćanja naknade iz stava (1) ovog člana izuzimaju se: korisnik državnih šuma i šumskog zemljišta, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti, te pravna lica koja upošljavaju preko 50% invalidnih lica, bez obzira na obavljanje djelatnosti radi sticanja dobiti.
- (4) Kontrolu obračuna i uplate naknade iz stava (1) ovog člana vrši porezna uprava i šumarski inspektor na način predviđen u članu 51. stav (4) ovog Zakona.

#### Član 53.

##### (Korištenje namjenskih sredstava koja su prihod Kantona)

- (1) Iz namjenskih sredstava Budžeta prikupljenih po osnovu člana 50. stav (2) ovog Zakona, finansiraju se slijedeći poslovi:
- rad čuvarske službe;
  - izrada i revizija kantonalnog šumsko-razvojnog plana;
  - izrada šumsko-privrednih osnova za privatne šume i nadzor nad prikupljanjem podataka za izradu šumskoprivrednih osnova za državne i privatne šume;
  - biološka obnova šuma;

- obnova šuma od posljedica prirodne nepogode, prenamnožavanja insekata, požara i slično;
- unaprjeđenje proizvodnje šumskog reproduktivnog materijala;
- organizovanje specijalističkih kurseva iz oblasti šumarstva;
- očuvanje i unaprjeđenje bioraznolikosti šumskih ekosistema;
- očuvanje i unaprjeđenje genofonda, rijetkih i ugroženih vrsta šumskog drveća;
- naučna istraživanja i stručne analize;
- izgradnja i održavanje šumskih puteva;
- druge namjene za unaprjeđenje šuma,

#### Član 54.

##### (Korištenje namjenskih sredstava koja su prihod općina)

- (1) Namjenska sredstva iz člana 51. ovog zakona općine mogu koristiti isključivo za izgradnju, rekonstrukciju i održavanje infrastrukture na području općine, za opremanje i obuku jedinica za gašenje požara i izgradnju skladišta za smještaj vatrogasne opreme. Sredstva se mogu koristiti nakon usvajanju plana utroška sredstava koji donosi općinsko vijeće.
- (2) Nadzor nad utroškom sredstava iz stava (1) ovog člana vrši komisija ispred općinskog vijeća, koja je dužna Ministarstvu i Kantonalnoj upravi dostaviti izvještaj o utrošku istih.

#### DIO PETNAESTI - NADZOR NAD PROVOĐENJEM ZAKONA

#### Član 55.

##### (Upravni nadzor)

- (1) Ministarstvo vrši upravni nadzor nad primjenom ovog zakona i propisa donesenih na osnovu ovog zakona.
- (2) Ministarstvo putem Kantonalne uprave vrši uvid i kontrolu postupanja, pregled akata i dokumentacije koju donose institucije i upravne organizacije u vršenju javnih ovlaštenja, daje instrukcije i smjernice za izvršavanje poslova i traži podatke i obavještenja o izvršavanju poslova u vršenju javnih ovlaštenja.

**Član 56.**  
**(Inspeksijski nadzor)**

- (1) Inspeksijski nadzor nad primjenom ovog zakona i propisa donesenih na osnovu ovog zakona vrši Kantonalna uprava za inspeksijske poslove putem šumarske inspekcije.
- (2) Inspeksijski nadzor se vrši u skladu sa Zakonom o organizaciji organa uprave u Federaciji Bosne i Hercegovine i Zakonom o inspekcijama Zeničko-dobojskog kantona.

**Član 57.**  
**(Ovlaštenja šumarskih inspektora)**

- (1) Pored ovlaštenja i dužnosti određenih posebnim zakonom, Zakonom o zaštiti od požara i vatrogastvu, šumarski inspektor je ovlašćen i dužan da:
  - a) pregleda šumsko-privredne osnove, godišnje planove gospodarenja, šumsko-razvojne planove i programe, izvedbene projekte, planove proste i proširene biološke reprodukcije šuma i planove zaštite šuma, njihovo izvršenje, poslovne knjige i ostalu dokumentaciju;
  - b) traži da mu se stavi na raspolaganje i pregleda svu dokumentaciju i informacije potrebne za inspeksijski pregled;
  - c) pregleda sve šumske radove, objekte, uređaje, pilane, kao i sva mjesta gdje se drvo siječe, smješta, preraduje, izvozi iz šume ili stavlja u promet;
  - d) kontroliše i prati primjenu standarda iz oblasti šumarstva;
  - e) privremeno obustavi sječe i sve druge radnje koje nisu u skladu sa odredbama ovog zakona i drugih propisa iz oblasti šumarstva do konačne odluke nadležnog organa;
  - f) pregleda odabiranje i doznaku stabala za sječu;
  - g) zaustavlja prijevozna sredstva i pregleda prateću dokumentaciju za prevoz šumskih sortimenata;
  - h) pregleda izvršenje svih radova koji su predviđeni šumsko-privrednim osnovama, šumskim planovima i programima i projektima za izvođenje;
  - i) u hitnim slučajevima u kojima bi nastupila šteta po javni interes, na licu mjesta i rješenjem naređuje obustavu rada i sprovođenje mjera za sprječavanje šteta;
  - j) privremeno oduzima bespravno posječeno drvo i nezakonito stavljeno u promet drvo i nedrvne šumske proizvode, kao i predmete kojima su izvršene nezakonite radnje;
  - k) pregleda kako se provodi utvrđivanje zdravstvenog stanja šuma i mjera za suzbijanje biljnih bolesti i

štetočina i naredi otklanjanje nedostataka i provođenje mjera, ako se utvrdi da se korisnik državnih šuma i vlasnici šuma ne pridržavaju propisa i mjera zdravstvene zaštite;

- l) pregleda planove zaštite šuma od požara i sprovođenje predviđenih mjera i naredi otklanjanje nedostataka;
  - m) pregleda provođenje mjera na zaštiti šuma i šumskih zemljišta od protivpravnog prisvajanja i korištenja i bespravne izgradnje objekata;
  - n) vrši nadzor nad provođenjem propisa o proizvodnji i prometu šumskog sjemena i šumskog sadnog materijala;
  - o) vrši nadzor sprovođenja drugih mjera za zaštitu šuma i propisnog uspostavljanja i održavanja šumskog reda i vršenja neposrednog čuvanja šuma;
  - p) prikuplja potrebne podatke i obavještenja od odgovornih lica, svjedoka, vještaka i drugih lica kada je to potrebno za vršenje nadzora;
  - q) pokreće i vodi inspeksijski nadzor po službenoj dužnosti kao i po zahtjevu svih pravnih i fizičkih lica i da o konstatovanom stanju i poduzetim mjerama pismeno obavijesti podnosioca zahtjeva;
  - r) upoznaje javnost sa konstatovanim stanjem šuma i o preduzetim mjerama na otklanjanju nedostataka;
  - s) saraduje sa inspeksijskim organima iz drugih oblasti, pravosudnim organima i organima policije;
  - t) preduzima i druge mjere i radnje za koje je ovlašćen ovim Zakonom i drugim propisima;
- (2) Šumarski inspektor je pored navedenog dužan najmanje jednom godišnje da dostavlja izvještaje i potrebne podatke Ministarstvu.

**Član 58.**  
**(Upravne mjere)**

- (1) Ako šumarski inspektor prilikom vršenja inspeksijskog nadzora ustanovi da propis nije primijenjen ili da je nepravilno primijenjen donijet će rješenje kojim će zabraniti rad zbog nepoštivanja odredbi člana 57. stav (1) tačke b), c), d), f), h), i), m) i n) ovog zakona ili naložiti otklanjanje utvrđenih nepravilnosti i odrediti rok u kome se one moraju otkloniti.
- (2) Protiv rješenja šumarskog inspektora može se izjaviti žalba Ministarstvu u roku od osam dana od dana prijema rješenja.
- (3) Rješenje o žalbi iz stava (2) ovog člana je konačno i protiv njega nije dopuštena žalba, ali se može pokrenuti upravni spor.
- (4) Žalba na rješenje iz stava (2) ovog člana ne odlaže izvršenje rješenja.

- (5) Šumarski inspektor koji je donio rješenje i organ kome je žalba izjavljena mogu, na obrazloženje žalioaca, odložiti izvršenje naloženih mjera, ako žalilac učini vjerovatnim da bi usljed izvršenja tih mjera bili ugroženi životi i zdravlje ljudi, nastupila znatna materijalna šteta koja se na drugi način ne može otkloniti, a odlaganje se ne protivi opštem interesu.
- (3) Za prekršaj iz stava (1) tačka f) i h), izreći će se i zaštitna mjera oduzimanja drveta i nedrvnih šumskih proizvoda koji su nastali počinjenjem prekršaja i sredstava kojima je počinjen prekršaja.
- (4) Za prekršaj iz stava (1) tačka n) kažnjava se novčanom kaznom u iznosu od 1.000 do 3.000 KM odgovorno lice u općini.

## DIO ŠESNAESTI - KAZNE NE ODREDBE

### Član 60.

#### Član 59.

- (1) Novčanom kaznom od 5.000 do 15.000 KM kažnjava se korisnik državnih šuma i šumskog zemljišta ili drugo pravno lice ako:
- a) gospodari šumama bez šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu (član 6. stav (1));
  - b) prekorači ukupan obim sječa u visokim šumama sa prirodnom obnovom predviđen šumsko-privrednom osnovom za planski period (član 6. stav (3));
  - c) pravovremeno ne osigura i izradi i u roku ne dostavi novo izradenu šumsko-privrednu osnovu (član 6. stav (1));
  - d) izradi Projekat za izvođenje radova u šumarstvu suprotno odredbama člana 8. stav (1) i (2);
  - e) ne izradi i ne donese Projekat za izvođenje radova u šumarstvu (član 8. stav (4) i (5));
  - f) vrši sječu šume prije odabiranja i doznake stabala za sječu (član 9. stav (1));
  - g) ne obavlja poslove biološke obnove šuma (član 11. stav (1));
  - h) dozvoli ili izvrši sječu šuma na uzurpiranom zemljištu suprotno odredbi člana 17. stav (5);
  - i) ako ne postupa u skladu sa članom 22. stav (3);
  - j) u šumi i na šumskom zemljištu vrši upotrebu hemijskih sredstava, odlaganje otpada, smeća ili zagađujućih tvari (član 23.);
  - k) vrši ili odobrava iskorištavanje nedrvnih šumskih proizvoda suprotno odredbama člana 26. stav (1);
  - l) ako ne prodaje šumske drvne sortimente po tržišnim uslovima i cijenama (član 36. stav (6));
  - m) ako postupa suprotno odredbama člana 42.;
  - n) u šumi ili na šumskom zemljištu otpočne radove na izgradnji objekata ili gradi objekte suprotno odredbama člana 43;
- (2) Za prekršaj iz stava (1) ovog člana kažnjava se novčanom kaznom u iznosu od 1.000 do 3.000 KM i odgovorno lice u pravnom licu.
- (1) Novčanom kaznom od 4.000 do 12.000 KM kažnjava se za prekršaj korisnik državnih šuma i šumskog zemljišta ili drugo pravno lice ako:
- a) ne prijavi sječu nadležnom šumarskom inspektor-u i u određenom roku ne otkloni štete na zemljištu u skladu sa odredbama član 10. stav (2) i (3);
  - b) prije sječe ne obavijesti Kantonalnu upravu i općinu na čijem se području vrši sječa (član 10. stav (3) i (5));
  - c) vrši doznaku i sječu stabala u šumama za koje imovinsko-pravni odnosi nisu riješeni i granice utvrđene i na terenu vidno i na propisan način obilježene (član 9. stav (4));
  - d) angažuje zaposlenike suprotno odredbama člana 13. stav (1);
  - e) dozvoli ili vrši čistu sječu ili druge oblike pustošenja šuma (član 14. stav (1));
  - f) ako ne postupa u skladu sa odredbama člana 15. stav (2);
  - g) loži ili dozvoli loženje vatre suprotno odredi člana 22. stav (1);
  - h) ako postupa suprotno odredbi člana 22. stav (2);
  - i) ako ne postupa u skladu sa odredbom člana 25;
  - j) izgradi šumsku infrastrukturu suprotno odredbama člana 29;
  - k) vrši promet šuma i šumskog zemljišta suprotno odredbama člana 34. stav (1) i (2);
  - l) ne izvršava poslove u skladu sa članom 33. stav (4);
  - m) ne izvrši obavezu iz člana 50. stav (1) i (2);
  - n) ne izvrši obavezu iz člana 51. stav (1) i (2);
  - o) ne postupa po rješenju šumarskog inspektora u roku i na način koji je inspektor odredio (član 58. stav (1)).
- (2) Za prekršaj iz stava (1) ovog člana kažnjava se novčanom kaznom u iznosu od 800 do 2.500 KM i odgovorno lice u pravnom licu.

**Član 61.**

- (1) Novčanom kaznom u iznosu od 3.000 do 9.000 KM kažnjava se za prekršaj korisnik državnih šuma i šumskog zemljišta ili drugo pravno lice ako:
- a) vrši radove bez saglasnosti Kantonalne uprave (član 7. stav (2));
  - b) ne dostavi godišnji plan gospodarenja u skladu sa članom 7. stav (4);
  - c) ne izvodi radove u skladu sa projektom (član 8. stav (1));
  - d) u roku od dvije godine ne izvrši radove predviđene projektom za izvođenje radova u šumarstvu ili ne vodi registar projekata za izvođenje radova u šumarstvu (član 8. stav (2) i (9));
  - e) odredi lice za izradu projekta za izvođenje radova u šumarstvu u suprotnosti sa odredbom člana 8. stav (3);
  - f) doznaku stabala za sječu vrši lice koje ne ispunjava uslove iz člana 9. stav (2) i (3);
  - g) ne izvrši tehnički prijem radova i ostale obaveze u skladu sa odredbama člana 12.;
  - h) ne izvrši pošumljavanje sječina u roku od dvije godine (član 14. stav (2));
  - i) ne izradi plan u skladu sa članom 16.;
  - j) pokreće drvo, dijelove stabala i grane ili stavlja u promet drvo koje nije žigosano i snabdjeveno otpretnim iskazom (član 17. stav (1));
  - k) stavlja u promet nedrvne šumske proizvode bez odobrenja (član 17. stav (3));
  - l) u periodu vegetacije od 01. aprila do 01. novembra, drvo četinara i brijesta uskladištava i stavlja u promet suprotno članu 17. stav (8);
  - m) vrši ili dozvoljava pašu, žirenje, brst, kresanje grana i lisnika u suprotnosti sa članom 24.;
  - n) vrši ili dozvoli sječu pančičeve omorike, tise, mečije lijeske, planinskog javora, planinskog bora, zelene johe, munike i zanovjeti suprotno odredbama člana 27.;
  - o) odobri korištenje šumskih puteva suprotno odredbama člana 29. stav (2);
  - p) počini ili dozvoli neovlašteno zauzimanje šuma ili šumskog zemljišta (član 33. stav (2));
  - r) ne vodi evidencije o izvršenim radovima i provedenim mjerama predviđenim šumsko-razvojnim planovima, šumsko-privrednom osnovom, privremenim planom gospodarenja, godišnjim planom gospodarenja i projektima za izvođenje radova u šumarstvu ili evidentirane podatke ne dostavi u predviđenom roku (član 37.);
  - s) u roku od dvije godine zemljište ne privede namjeni radi koje je krčenje izvršeno ili ne izvrši njegovo pošumljavanje (član 43. stav 2);

š) ne vrši uplatu sredstava u Budžet u skladu sa odredbama člana 50;

- (2) Za prekršaj iz stava (1) ovog člana kažnjava se novčanom kaznom u visini od 500 do 1.500 KM i odgovorno lice u pravnom licu.
- (3) Za prekršaj iz stava (1) tačka j) izreći će se i zaštitna mjera oduzimanja predmeta sa kojima je počinjen prekršaj ili koji su nastali počinjenjem prekršaja.

**Član 62.**

- (1) Novčanom kaznom u iznosu od 200 - 1.500 KM kažnjava se za prekršaj fizičko lice ako:
- a) vrši šumsko-uzgojne radove i sječu šume suprotno odredbama člana 8. stav (6);
  - b) vrši sječu bez prethodno izdatog rješenja i doznake (član 9. stav (5));
  - c) ne izvrši pošumljavanje sječina u roku od dvije godine (član 14. stav (2));
  - d) ne izvrši sanitarnu sječu i ne uspostavi i održava šumski red (član 15. stav (2));
  - e) pokreće drvo, dijelove stabala i grane ili stavlja u promet drvo bez žigosanja i otpretnog iskaza (član 17. stav (1));
  - f) stavlja u promet nedrvne šumske proizvode bez odobrenja (član 17. stav (3));
  - g) posiječe (ili dozvoli) ili prisvoji (ili dozvoli) protivpravno drvnu masu suprotno odredbama člana 17. stav (5);
  - h) na zahtjev lica navedenih u članu 17. stav 6. ne pokaže lične isprave ili isprave za šumske proizvode (član 17. stav (7));
  - i) loži vatru suprotno odredbama člana 22. stav (1);
  - j) u šumi upotrebljava hemijska sredstva, odlaže otpad, smeće i zagađujuće tvari (član 23. stav (1));
  - k) postupa u suprotnosti sa članom 24.;
  - l) vrši ili dozvoli sječu pančičeve omorike, tise, mečije lijeske, planinskog javora, planinskog bora, zelene johe, munike i zanovijeti suprotno odredbama člana 27. i 61. stav n;
  - m) vrši kretanje motornim vozilima u šumama i na šumskim zemljištima suprotno odredbama člana 30.;
  - n) počini neovlašteno zauzimanje državnih šuma ili šumskoga zemljišta (član 33. stav (2));
  - o) izvrši krčenje šume prije nego se izda dozvola za krčenje iz člana 43.;
  - p) vrši izgradnju zgrada i drugih objekata suprotno odredbama člana 44. stav (1) i (3);

- r) na zahtjev čuvara šuma ne pokaže lične isprave ili isprave za šumske proizvode (član 49. stav (7)).
- s) ne postupi po rješenju šumarskog inspektora u roku i na način koji je inspektor naredio (član 58. stav (1)).
- (2) Za prekršaj iz stava (1) tačka e) i g) izreći će se i zaštitna mjera oduzimanja drveta i nedrvenih šumskih proizvoda koji su nastali počinjenjem prekršaja i sredstava kojima je počinjen prekršaj.
- (3) Za prekršaj iz stava (1) tačka p) kažnjava se novčanom kaznom u iznosu od 1.000 do 3.000 KM odgovorno lice u općini koje dozvoli podizanje objekta suprotno odredbama člana 44. stav 1) i 3).
- (4) Sredstva od izrečenih novčanih kazni za učinjene prekršaje, propisane ovim zakonom, uplaćuju se na račun Budžeta kao prihod Kantona.

#### DIO SEDAMNAESTI-PRIJELAZNE I ZAVRŠNE ODREDBE

##### Član 63. (Prilagođavanje poslova)

Korisnik državnih šuma i šumskog zemljišta, dužan je svoje poslovanje uskladiti sa odredbama ovog zakona.

##### Član 64. (Započeti postupci)

Postupci započeti do dana prestanka primjene Zakona o šumama („Službene novine Federacije BiH“, broj: 20/02, 29/03 i 37/04), odnosno Uredbe o šumama („Službene novine Federacije BiH“, broj: 83/09, 26/10, 38/10 i 60/11), rješavaće se u skladu sa tim Zakonom, odnosno Uredbom.

##### Član 65.

Za prekršaje počinjene od dana prestanka važenja Uredbe o šumama („Službene novine Federacije BiH“ broj: 81/09, 26/10, 38/10 i 60/11), nadležni sudovi će rješavati po odredbama ovog zakona.

##### Član 66. (Podzakonski propisi)

- (1) Podzakonski propisi predviđeni ovim zakonom donijet će se u roku od godinu dana od dana stupanja na snagu ovog zakona.

- (2) Kantonalni šumsko-razvojni plan donijet će se u roku od godinu dana od donošenja federalnog šumsko-razvojnog plana.

##### Član 67. (Primjena Zakona)

Ovaj Zakon će se primjenjivati do stupanja na snagu, odnosno početka primjene Zakona o šumama koji će donijeti Parlament Federacije Bosne i Hercegovine.

##### Član 68. (Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-14728/13  
Datum, 04.07.2013. godine  
Zenica

**PREDSJEDAVALAČI**  
**Sretko Radišić, s.r.**

218.

Na osnovu člana 37. stav 1. tačka I) Ustava Zeničko-dobojskog kantona, člana 52. stav (1) tačka 5., stav (2) i stav (3) Zakona o ustanovama („Sl. list RBiH“ broj: 6/92, 8/93 i 13/94), Skupština Zeničko-dobojskog kantona na 41. sjednici održanoj dana 04.07.2013. godine, d o n o s i

#### **ODLUKU** **o davanju saglasnosti za pokretanje stečajnog postupka nad Javnom ustanovom „Dom penzionera“ Zenica**

##### Član 1. (Predmet)

Daje se saglasnost na Prijedlog za pokretanje stečajnog postupka nad JU „Dom penzionera“ Zenica, zbog platežne nesposobnosti ove javne ustanove.

##### Član 2. (Zaduženja)

Zadužuje se Vlada Zeničko-dobojskog kantona da hitno utvrdi način zaštite postojećih korisnika usluga ove javne ustanove.



Godina XX - Broj 1

ZENICA, utorak, 10.03.2015.

**SKUPŠTINA**

1.

Na osnovu člana 37.stav 1. tačka g) Ustava Zeničko-dobojskog kantona, Skupština Zeničko-dobojskog kantona na 4. sjednici održanoj 18.02.2015. godine, d o n o s i:

**ZAKON  
o dopuni Zakona o sudskim taksama**

**Član 1.  
(Dopuna člana 11.)**

U Zakonu o sudskim taksama („Službene novine Zeničko-dobojskog kantona, broj: 12/09, 4/11, 7/11, 15/11, 2/12 i 9/13) u članu 11. stav (1) iza tačke g) dodaje se tačka h) koja glasi:

„osnovne i srednje škole sa područja Zeničko-dobojskog kantona“

Ostale tačke se mijenjaju tako da dosadašnje h), i), j), k), l) i m) postaju i), j), k), l), m) i n).

**Član 2.**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o sudskim taksama.

**Član 3.**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“

Broj: 01-02-3791/15  
Datum, 18.02.2015. godine  
Zenica

**PREDSJEDAVAJUĆA**  
**Draženka Subašić, s.r.**

2.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 4. sjednici održanoj dana 18.02.2015. godine, donosi:

**ZAKON O IZMJENI ZAKONA O ŠUMAMA**

**Član 1.  
(Brisanje člana 54.)**

Član 54. Zakona o šumama („Službene novine Zeničko-dobojskog kantona“, broj: 8/13), (u daljem tekstu: Zakon) se briše.

Članovi 55-68 Zakona o šumama („Službene novine Zeničko-dobojskog kantona“, broj: 8/13), postaju članovi 54-67.

**Član 2.  
(Stupanje na snagu)**

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-3792/15  
Datum, 18.02.2015. godine  
Zenica

**PREDSJEDAVAJUĆA**  
**Draženka Subašić, s.r.**

3.

Na osnovu člana 37. stav 1. tačka g) Ustava Zeničko-dobojskog kantona i člana 27. Zakona o budžetima u Federaciji BiH („Službene novine Federacije Bosne i Hercegovine“, broj 102/13, 09/14 i 13/14), Skupština Zeničko-dobojskog kantona na nastavku 2. sjednice održanom 29.12.2014. godine, d o n o s i:



gls

Broj: 03-02-615-1/21  
Zenica, 13.01.2021. godine

13-01-2021  
02 U

**MINISTARSTVO ZA POLJOPRIVREDU, ŠUMARSTVO I VODOPRIVREDU  
ZENIČKO-DOBOJSKOG KANTONA**

**PREDMET: Mišljenje o prijedlogu Zakona o izmjenama i dopunama Zakona o šumama - dostavlja se**

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“ broj 8/96 i broj: 2/05) i članom 31. stav 1. tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 5/11), te na osnovu uvida u prijedlog Zakona o izmjenama i dopunama Zakona o šumama, a u postupku utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam sljedeće

**MIŠLJENJE**

Ustavni i pravni osnov prijedloga Zakona o izmjenama i dopunama Zakona o šumama (u daljnjem tekstu: Zakon) je pravilno utvrđen, te je isti usklađen sa pravnim sistemom.

U nomotehničkom smislu, prijedlog Zakona je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

O prijedlogu obrađivača da se Zakon razmatra u formi prijedloga i po skraćenom postupku, odlučivati će se na sjednici Skupštine, tokom rasprave o dnevnom redu, shodno članu 140. stav 3. Poslovnika Skupštine Zeničko-dobojskog kantona – Treći prečišćen tekst („Službene novine Zeničko-dobojskog kantona“ broj 14/18).

Shodno navedenom, a nakon održanih konsultacija sa obrađivačem prijedloga Zakona, te izvršenih traženih korekcija, stekli su se uvjeti za davanje mišljenja shodno članu 31. stav (1) tačka a). Poslovnika o radu Vlade Zeničko-dobojskog kantona („Službene novine Zeničko – dobojskog kantona“ broj: 5/11) o upućivanje prijedloga Zakona u dalju proceduru.

Dostavljeno:  
1x Naslovu,  
1 x a/a





Ministarstvo za poljoprivredu, šumarstvo i  
vodoprivredu  
n/r ministra  
ovdje

Zenica, 15.01.2021. godine  
Veza vaš broj :05-02-615-1/21 od 11.01.2021.godine  
Naš broj: 06/04-1-30-615-1/21

**PREDMET : Prijedlog Zakona o izmjenama i dopunama Zakona o šumama u Zeničko-dobojskom kantonu- mišljenje, dostavlja se**

U skladu s članom 11. Zakona o kantonalnim ministarstvima i drugim tijelima kantonalne uprave („ Službene novine Zeničko- dobojskog kantona“, broj 10/15), i članom 31. stav (1) tačka b) Poslovnika o radu Vlade Zeničko- dobojskog kantona („ Službene novine Zeničko- dobojskog kantona“, broj: 5/11), te na osnovu uvida u tekst u Prijedlog Zakona o izmjenama i dopunama Zakona o šumama u Zeničko-dobojskom kantonu( u daljem tekstu: Prijedlog Zakona) dostavljenog aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), daje se

**MIŠLJENJE**

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u postupku davanja mišljenja na dostavljeni akt broj i datum gornji Ministarstvo za pravosuđe i upravu Zeničko-dobojskog kantona, s aspekta svoje nadležnosti, nema primjedbi na dostavljeni Prijedlog Zakona.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Zakona Ministarstvo ne snosi odgovornost.

Poštovanje,

Dostaviti:  
1 x Naslovu  
1 x U pismohranu



MINISTAR  
*Nebojša Nikolić*  
Nebojša Nikolić





Broj: 07-02-615-2/21  
Zenica, 11.01.2021. godine

13-01-2021

*Handwritten signature*

**MINISTARSTVO ZA POLJOPRIVREDU, ŠUMARSTVO I VODOPRIVREDU**

**PREDMET: Mišljenje na Prijedlog Zakona o izmjenama i dopunama Zakona o šumama**  
*- dostavlja se*

Ministarstvo finansija je razmotrilo Prijedlog Zakona o izmjenama i dopunama Zakona o šumama, koji je dostavljen uz Vaš akt broj: 05-02-615-2/21 od 11.01.2021. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

**MIŠLJENJE**

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U tački III dostavljenog Obrazloženja Prijedloga Zakona o izmjenama i dopunama Zakona o šumama, navedeno je da donošenje „Prijedloga Zakona o izmjenama i dopunama Zakona o šumama neće iziskivati izdvajanje dodatnih finansijskih sredstava iz Budžeta Zeničko-dobojskog kantona...“.

U dostavljenoj Izjavi o fiskalnoj procjeni – obrazac IFP-NE od 11.01.2021. godine, navedeno je da za „provođenje ovog Zakona nisu potrebna dodatna sredstva iz Budžeta Kantona.“

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno obezbijediti samo Ministarstvo za poljoprivredu, šumarstvo i vodoprivredu, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,  
1x a/a.

**MINISTAR**  
*Handwritten signature*  
Bosna i Hercegovina, Zenica, Kućukovići br. 11  
Tel. 032/460-771; Fax: 460-772; E-mail: [min.finansija@zdk.ba](mailto:min.finansija@zdk.ba)



## OBRAZAC IZJAVA O FISKALNOJ PROCJENI

**Obrazac IFP NE**

### A 1. Obrađivač propisa

	KOD	NAZIV
Razdjel	23	MINISTARSTVO ZA POLJOPRIVREDU, ŠUMARSTVO I VODOPRIVREDU ZENIČKO-DOBOJSKOG KANTONA

### B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjenama i dopunama Zakona o šumama, Prijedlog					

### C 3. Izjava o nepostojanju dodatnih fiskalnih efekata predloženog propisa

Za provođenje ovog Zakona nisu potrebna dodatna sredstva iz Budžeta Kantona.

### D 4. Pečat i potpis odgovornog lica

Mjesto i datum

ZENICA, 18.01.2021. GODINE

